

四庫全書

經部

按：本冊原書於抗戰播遷中曾遭水漬，致字跡模糊不清，茲雖力經描修版面，仍無法全復舊觀。

欽定四庫全書

經部

禮書綱目卷四十六

總校官進士臣何思鈞

校對官中書臣金光悌

謄錄監生臣胡金芝

欽定四庫全書

禮書綱目卷四十六

婺源江永撰

祭物

吉禮十四

補

家宰制國用必於歲之杪

制國用如今度支經用杪末也

祭用數之仿

宰今年一歲經用之數用其什一

喪祭用不足曰暴有餘曰浩

暴猶耗也浩猶

也祭豐年不奢凶年不儉

常用數之仿王制

太宰以九式均

節財用一曰祭祀之式

式謂用財之節度

以九貢致邦國之用

一曰祀貢

鄭司農云祀貢犧牲包茅之屬天官

大行人侯服歲壹見

其貢祀物男服三歲壹見其貢器物采服四歲壹見其

貢服物

祀物犧牲之屬器物尊彝之屬服物玄纁絺纈也秋官

季冬凡在天下

九州之民者無不咸獻其力以共皇天上帝社稷寢廟

山林名川之祀

民非神之福不生雖有其邦國采地此賦要由民出月令

大府

邦都之賦以待祭祀

邦都五百里賦口率出泉也天官

小宰以法掌

祭祀之戒具令百官府共其財用

法謂其禮法也戒具戒官有事者所當共

上同

宰夫凡禮事贊小宰比官府之具

同上

外府凡

祭祀共其財用

疏曰祭祀財用皆外府供其帛也

同上

肆師之職掌立

國祀之禮以佐大宗伯

佐助也

立大祀用玉帛牲牷立次

祀用牲幣立小祀用牲

鄭司農云大祀天地次祀日月星辰小祀司命已下玄謂大祀

又有宗廟次祀又有社稷五祀五穀小祀又有司中風師雨師山川百物春官

小宗伯掌

五禮之禁令與其用等

用等牲器尊卑之差同上

泉府凡賒者

祭祀無過旬日

鄭司農云賒賁也以祭祀故从官貫賁物地官

右總要

孟子曰禮曰諸侯耕助以供粢盛夫人蠶繅

以為衣服犧牲不成粢盛不潔衣服不備不敢以

祭惟士無田則亦不祭牲殺器皿衣服不備不敢

以祭則不敢以宴

禮曰諸侯為藉百畝冕而青紘躬秉耒以耕而庶人助以終畝

收而藏之御廩以供宗廟之粢盛使世婦蠶于公桑蠶室奉繭以示于君遂獻于夫人夫人副禕受之繅三盆手遂布于三宮世婦使繅以為黼黻文章而服以祀先王先公又曰士有田則祭無田則薦黍稷曰粢在器曰盛牲殺牲必特殺也皿所以覆器者

孟子殺牲必

祭公謀父曰

甸服者祭侯服者祀賓服者享要服者貢荒服者

王日祭月祀時享歲貢終王先王之訓也

詳見財賦

天子以犧牛諸侯以肥牛大夫以索牛士以羊豕

犧純毛也

肥養于滌也索求得而用之

曲禮

天子社稷皆大牢諸侯社稷皆少

牢大夫士宗廟之祭有田則祭無田則薦

有田者既祭又薦新祭以

首時薦以仲月士薦牲用特豚大夫以上用羔所謂羔豚而祭百官皆足詩曰四之日其早獻羔祭韭

庶

人春薦韭夏薦麥秋薦黍冬薦稻韭以卵麥以魚黍以

豚稻以鴈

庶人無常牲取與新物相宜而已

祭天地之牛角繭栗宗廟

之牛角握

握謂長不出膚

諸侯無故不殺牛大夫無故不殺羊

士無故不殺犬豕庶人無故不食珍

故謂祭饗王制

夏后

氏尚黑牲用玄

玄黑類也

殷人尚白牲用白周人尚赤牲

用騂

騂赤類
檀弓

夏后氏牲尚黑殷白牡周騂剛

順正色
也騂剛

赤色
明堂位

季夏命四監大合百縣之秩芻以養犧牲令

民無不咸出其力

四監主山林川澤之官百縣鄉遂之
屬地有山林川澤者也秩芻也百縣

給國養犧牲之芻多少有常民皆
當出力為之今月令四為田

以共皇天上帝名山

大川四方之神以祠宗廟社稷之靈以為民祈福

牲以
供祀

神靈為民求福明使民艾芻是不虛取也皇皇天
北辰耀魄寶冬至所祭于圓丘也上帝大微五帝

季

冬乃命大史次諸侯之列賦之犧牲以共皇天上帝社

稷之饗

此所與諸侯共者也列國有大小也賦
之犧牲大者出多小者出少饗獻也

乃命同

姓之邦共寢廟之芻豢

此所以與同姓共也芻豢猶犧牲

命宰歷卿大

夫至于庶民土田之數而賦犧牲以共山林名川之祀

此所與卿大夫庶民共者也歷猶次也卿大夫采地亦有大小其非采地以其邑之民多少賦之

凡在

天下九州之民者無不咸獻其力以共皇天上帝社稷

寢廟山林名川之祀

民非神之福不生雖有其邦國采地此賦要由民出

仲秋

乃命宰祝循行犧牲視全具案芻豢瞻肥瘠察物色必

比類量小大視長短皆中度五者備當上帝其饗

於鳥獸肥

充之時宜省羣牲也宰祝大宰大祝主祭祀之官也養牛羊曰芻犬豕曰豢五者謂所視也所案也所瞻也所

祭也所量也此皆得其正則上帝饗之上帝饗之而無神不饗也

孟春命祀山林川

澤犧牲毋用牝

為傷妊生之類

仲春祀不用犧牲用圭璧更

皮幣

為季春將選而合騰之也更猶易也當祀者告以玉帛而已並月令

宗廟之事

脂者膏者以為牲

脂牛羊屬膏豕屬致美味也考工梓人

牲不及肥大

詳見祭義

遂人凡國祭祀共野牲

共野牲入于牧人以待事也

遂師

凡國祭祀共其野牲

牧人掌牧六牲而阜蕃其物以

共祭祀之牲牷

六牲謂牛馬羊豕犬雞鄭司農云牷純也玄謂牲體完具

凡陽祀用

騂牲毛之陰祀用黝牲毛之望祀各以其方之色牲毛

之

駢牲赤色毛之取純毛也陰祀祭地北郊及社稷也望祀五嶽四鎮四瀆也鄭司農云陽祀春夏也黝讀

為幽幽黑也玄謂陽祀祭天于南郊及宗廟

凡時祀之牲必用牷物

時祀四時所常

祀謂山川以下至四方百物

凡外祭毀事用牝可也

外祭謂表貉及王行所過山川

用事者故書毀為甌牝作牝杜子春云甌當為毀牝當為牝牝謂雜色不純毀謂副辜侯禋毀除殃咎之屬

凡祭祀共其犧牲以授充人繫之

犧牲毛羽完具也授充人者當殊養之周

景王時賓起見雄雞自斷其尾曰雞憚其為犧

凡牲不繫者共奉之

謂非時而祭祀者

並地官

羊人若牧人無牲則受布于司馬使其賈買牲

而共之

布泉夏官

牛人掌養國之公牛以待國之政令

公猶官也 凡祭祀共其享牛求牛以授職人而芻之

鄭司農云享牛

前祭一日之牛也求牛禱于鬼神祈求福之牛也立謂享獻也獻神之牛謂所以祭者也求終也牛事之牛謂所以繹者也宗廟有繹者孝子求神非一處職讀為犧犧謂之牀可以繫牛犧人者謂牧人充人與芻牲之芻牛人擇于公牛之中而以授養之 凡祭祀共其牛牲之互與其盆簠以

待事

鄭司農云互謂福衡之屬盆簠皆器名盆所以盛血簠受肉籠也立謂互若今屠家縣肉格地官

肆師大祭祀展犧牲繫于牢頒于職人

展省閱也職讀為犧犧可

以繫牲者此犧人謂充人及監門人春官

充人掌繫祭祀之牲牲祀五

帝則繫于牢芻之三月

牢閑也必有閑者防禽獸觸齧養牛羊曰芻三月一時節氣成

享先王亦如之凡散祭祀之牲繫于國門使養之

散祭祀謂

司中司命山川之屬國門謂城門司門之官鄭司農云使養之使守門者養之展牲則告牲

鄭司

農云展具也具牲若今時選牲也充人主以牲牲告展牲者也玄謂展牲若今夕牲也特牲饋食之禮曰宗人

視牲告充舉獸碩牲則贊贊助也君牽牲入將致之助

告曰博碩肥腍司門祭祀之牛牲繫焉監門養之監門門徒梟

人掌豢祭祀之犬養犬豕曰豢不于饌人言其共至尊雖其潘瀾受餘不可棄也並地官

犬人掌犬牲凡祭祀共犬牲用牲物伏瘞亦如之鄭司

農云牲純也物色也伏謂伏犬以王車凡幾珥沈辜用

駝可也

故書駝作龍鄭司農云幾讀為厖爾雅曰祭山曰股縣祭川曰浮沈大宗伯職曰以埋沈祭山

林川澤以罷辜祭四方百物龍讀為駝謂不純色也玄謂幾讀為刳耳當為蚬刳蚬者釁禮之事秋官

雞人掌共雞牲辨其物

物謂毛色也辨之者陽祀用騂陰祀用黝凡祭祀面

禋釁共其雞牲

釁釁廟之屬釁廟以羊門夾室皆用雞鄭司農云面禋四面禋也釁讀為徽

小宗伯毛六牲辨其名物而頒之于五官使共奉之

毛擇毛也鄭司農云司徒主牛宗伯主雞司馬主馬及羊司寇主犬司空主豕

大祭祀省牲祭

之日省鑊

省鑊視亨腥孰並春官

封人凡祭祀飾其牛牲設其

福衡置其絳共其水膏

飾謂刷治潔清之也鄭司農云福衡所以福持牛也絳著牛鼻

繩所以牽牛者今時謂之雉與古者名同皆謂夕牲時也杜子春云福衡所以持牛令不得抵觸人玄謂福設于角衡設于鼻如楫狀也水槩給殺時洗薦牲也絢字當以多為聲歌舞牲及毛炮之豚謂君牽牲入時隨歌舞之言其肥香以歆神也毛炮豚也爛去其毛而炮之以備八珍鄭司農云封人主歌舞其牲云博碩肥脂地官

羊人掌羔牲凡祭祀飾羔

羔小羊也詩曰四之日其

早獻羔祭韭

司弓矢凡祭祀共射牲之弓矢

射牲示親殺也殺牲非尊

者所親唯射為可國語曰禘郊之事天子必自射其牲並夏官

古者天子諸侯必

有養牲之官及歲時齊戒沐浴而躬朝之犧牷祭牲必於是取之君召牛納而視之擇其毛而卜之吉然後養

之君皮弁素積朔月月半君巡牲

詳見祭義

犧牲不粥于

市

王制

牲死則埋之

注見祭器

右犧牲 聖人為天地主為山川主為鬼神主為

宗廟主

鬼神百神也因外說故在宗廟之上也

序五牲之先後貴賤

五牲牛羊豕犬雞先後謂四時所尚也

諸侯之祭牛曰太牢

天子之大夫亦

太牢太牢天子之牲角握諸侯角尺大夫索牛也

大夫之祭牲羊曰少牢

天子之士亦少牢也

士之祭牲特豕曰饋食

不言特牲其文已著又與大夫

互相足也

無祿者稷饋

庶人無常牲故以稷為主

稷饋者無尸無尸

者厭也宗廟曰芻豢

牛羊曰芻
犬豕曰豢

山川曰犧牷

色純曰犧

體完曰牷宗廟言泰山川言牲互文也山川謂岳瀆以方色角入其餘用庚索之

割列禴

瘞

割割牲列禴辜禴面禴瘞瘞埋

于是有五牲

大載禮

上牲損則

用下牲下牲損則祭不備物以其舛之為不樂也

說苑

子期祀平王祭以牛俎于王王問于觀射父

曰祀牲何及對曰祀加于舉天子舉以大牢祀以

會諸侯舉以特牛祀以大牢卿舉以少牢祀以特

牛大夫舉以特牲祀以少牢士食魚炙祀以特牲

庶人食菜祀以魚上下有序則民不慢王曰其小
大何如對曰郊禘不過繭栗烝嘗不過把握王曰

芻豢幾何對曰遠不過三月近不過浹日

詳見祭義

魯祭周公何以為牲

據廟異也

周公用白牡

白牡殷牲也周公死

有王禮謙不敢與文武同也不以夏黑牲者嫌改周之文當以夏辟嫌也

魯公用騂牝

騂牝赤脊周牲也魯公以諸侯不嫌故从周制以脊為差

羣公不毛

不毛不純色所以降

于尊祖 文十三年公羊傳

魯公索氏將祭而亡其牲孔子

聞之曰公索氏不及二年必亡今過朞而亡夫子

何以知其然孔子曰夫祭者孝子所以自盡于

其親將祭而亡其牲則其餘所亡者多矣若此而

不亡者未之有也家語晏平仲祀其先人豚肩不

揜豆君子以為隘矣雜記注云豚俎實豆徑尺言并豚兩肩不能覆豆喻小也

禮器宋公使邾文公用鄫子于次睢之社欲以

屬東夷睢水受汴東京陳留梁譙沛彭城縣入泗此水次有妖神東夷皆社祠之蓋殺人而

用祭司馬子魚曰古者六畜不相為用司馬子魚公

畜不相為用謂若祭馬先用馬小事不用大牲而況敢用人乎

祭祀以為人也民神之主也用人其誰饗之

僖十九年

左氏傳

天子為藉千畝冕而朱紘躬秉耒諸侯為藉百畝冕而青紘躬秉耒以事天地山川社稷先古以為醴酪齊盛于是乎取之

詳見祭義

天子親耕于南郊以共齊盛諸侯

耕于東郊亦以共齊盛

同上

甸師掌帥其屬而耕耨王

藉以時入之以共盥盛

其屬府史胥徒也耨芸茅也王以孟春躬耕帝藉天子三推三

公五推卿諸侯九推庶人終于千畝庶人謂徒三百人藉之言借也王一耕之而使庶人芸茅終之盥盛祭祀

所用穀也。粢稷也。穀者稷為長。是以名云。在器曰盛。天官。

季秋藏帝藉之收于

神倉祇敬必飭。

重盛之委也。帝藉所耕千畝也。藏祭之穀為神倉祇亦敬也。月令。

小宗伯辨六齋之名物與其用使六宮之人共奉之。

讀

為粢六粢謂六穀黍稷稻粱麥苽春官。

天子禘郊之事王后必自舂其

粢。

器實曰粢。

諸侯宗廟之事夫人必自舂其盛。

在器曰盛上言粢下言盛。

互其文也。

天子親舂禘郊之盛。

帥后舂之語詳見祭義。

楚

廩人大祭

祀則共其接盛。

接讀為壹。扱再祭之扱扱以授舂人舂之大祭祀之穀藉田之收藏于神倉也。

者不以給小用。

舂人祭祀共其盛盛之米。

盛盛謂黍稷稻粱之屬可盛以為簋。

簋實

饁人掌凡祭祀共盛

盛收而共之

舍人凡祭祀共簋

簋實之陳之

方曰簋圓曰簠盛黍稷稻粱器並地官

肆師祭之日表盥

盛告絜

絜六穀也在器曰盛故書表為割剝表皆謂徹識也

春官

右粢盛

耕籍之禮詳見通禮朝廷禮

米廩有虞氏之庠也

庠之

言詳也于以考禮詳事也魯謂之米廩虞帝上孝今藏粢盛之委焉

明堂位魯祭周公

何以為盛

據牲異也

周公盛

盛者新穀

魯公燾

燾者冒也故上以新也

羣公廩

廩者連新于陳上財令半相連爾此謂上裕祭之時序昭穆之差

文十三年公羊

傳

桓公十四年秋八月壬申御廩灾

御廩公所親耕以奉

渠盛之倉也天火曰
灾例在宣十六年

乙亥嘗

先其時亦過也既戒
日致齊御廩雖灾苟

不害嘉穀則祭不
應廢故書以示法

書不害也

灾其屋救之則息不
及穀故曰書不害

左氏
傳

御廩之灾不志

以其
微

此其志何也以爲唯

未易灾之餘而嘗可也志不敬也

鄭嗣曰唯以未
易灾之餘而嘗

然後可志也用火焚之餘以祭宗廟
非人子所以盡其心力不敬之大也

天子親耕以

共粢盛

天子親耕其禮三推
黍稷曰粢在器曰盛

王后親蠶以共祭服

王后親蠶齊戒躬桑夫人三繅遂班三宮朱
綠玄黃以爲黼黻文章既成君服以祀之

國非

無良農女工也以爲人之所盡事其祖禰不若以

已所自親者也

凱曰夫治人之道莫急于禮禮有五經莫重于祭祭者非物自外至

者也由中出者身致其誠信然後可以交于神明祭之道也

何用見其未易灾

之餘而嘗也曰甸粟而內之三宮三宮米而藏之

御廩

甸甸師掌田之官也三宮三夫人也宗廟之禮君親割夫人親舂

夫嘗必有

兼甸之事焉

夫人親舂是兼甸之事

壬申御廩灾乙亥嘗以

為未易灾之餘而嘗也

鄭嗣曰壬申乙亥相去四日言用日至少而功多明

未足及易而嘗穀梁傳

御廩粢盛委之所藏也

黍稷曰粢在器曰盛

委積也御者謂御用于宗廟廩者擇治穀名禮天子親耕東田千畝諸侯百畝后夫人親西郊采桑

以共粢盛祭服躬御廩灾不如勿嘗而已矣一當廢

行孝道以先天也祭自責以奉天灾也知不以不時者書本不當嘗也公羊傳敬姜曰天子日

入監九御使潔奉禘郊之粢盛監視也九御九嬪之官主粢盛祭服

者而後即安即就也國語魯語

天子諸侯無事則歲三田一為乾豆乾豆謂腊之以為祭祀豆實也王

制服不氏凡祭祀共猛獸謂中膳羞者獸人冬獻狼春秋傳曰熊蹯不孰夏

官圉人祭祀共其生獸死獸之物地官獸人凡祭祀

共其死獸生獸共其完者天官掌畜祭祀共卵鳥共卵可薦之鳥

夏官

獻人凡祭祀共其魚之鱣鼈

鼈人祭祀共麇

羸蜺以授醢人

羸蜺蜺鄭司農云麇蛤也杜子春云麇蜺也蜺蜺子國語曰蜺舍蜺蜺並天

官

川衡祭祀共川奠

川奠蘧豆之實魚鱸蜃蛤之屬

澤虞凡祭祀

共澤物之奠

澤物之奠亦蘧豆之實芹茆蒹芡之屬並地官

庖人共祭祀

之好羞

謂四時所為膳食若荊州之鱣魚青州之蟹胥雖非常物進之孝也天官

場人

凡祭祀共其果蓏享亦如之

享納牲地官

甸師共野果蓏

之薦

甸在遠郊之外郊外曰野果桃李之屬蓏瓜瓠之屬

籩人掌四籩之實

籩竹

器如豆者其容實皆四升

朝事之籩其實饔黃白黑形鹽膾鮑魚鱠

黃臬實也鄭司農云朝事謂清朝未食先進寒具口實之籩熬麥曰粳麻曰黃稻曰白黍曰黑粱粳以為虎形謂之形鹽故春秋傳曰鹽虎形玄謂以司尊彝之職參之朝事謂祭宗廟薦血腥之事形鹽鹽之似虎者膾膾生魚為大臠鮑者于福室中糗乾之出于江淮也鱸者析乾之出東海王者備物近者腥之遠者乾之因其宜也今河間以北煮種麥賣之名曰逢燕人膾魚方寸切其腴以啗所貴

饋食之籩其實棗

臬桃乾榛榛實

饋食薦孰也今吉禮存者特牲少牢諸侯之大夫士祭禮也不裸不薦血腥而

自薦孰始是以皆云饋食之禮乾榛乾梅也有桃諸梅諸是其乾者榛似栗而小

加籩之實菱

芡臬脯菱芡臬脯

加籩諸尸既食后亞獻尸所加之籩重言之者以四物為八籩菱芡也芡

雞頭也栗與饋食同鄭司農云菱芡脯脩

羞籩之實糗餌粉餐

羞籩謂若少牢主人酬尸

宰夫羞房中之羞于尸侑主人主婦皆右之者故書養作茨鄭司農云糗熬大豆與米也粉豆屑也茨字或作養謂乾餌餅之也玄謂此二物皆粉稻米黍米所為也合蒸曰餌餅之曰養糗者擣粉熬大豆為餌養之黏著以粉之耳餌言糗

凡祭祀共其籩薦羞之實

薦羞皆進也未食未

飲曰薦既食既飲曰羞

醢人掌四豆之實朝事之豆其實韭菹

醢醢昌本麋鷄菁菹鹿鷄茆菹麋鷄

醢肉汁也昌本昌蒲根切之四寸為

菹三鷄亦醢也作醢及鷄者必先膊乾其肉乃後莖之雜以梁麴及鹽漬以美酒塗置甑中百日則盛矣鄭司農云麋鷄麋肝髓醢或曰麋鷄醬也有骨為鷄無骨為醢菁菹韭菹鄭大夫謂茆為茅茆菹初生或曰茆水草杜子春讀茆為邠玄謂菁蔓菁也茆鳧葵也凡菹醢皆以氣味相成其狀未聞

饋食之豆其

實葵菹羸醢脾析麋醢蜃蚘醢豚拍魚醢羸蟪蜃蚘大

司農云脾析牛百葉也蜃蛤也鄭大夫杜子春皆以拍為膊謂脇也或曰豚拍肩也今河間名豚脅聲如鍛鑄

加豆之實芹菹兔醢深蒲醢醢落菹鴈醢筍菹魚醢楚

葵也鄭司農云深蒲蒲弱入水深故曰深蒲或曰深蒲桑耳醢醢肉醬也落水中魚衣故書鴈或為鶉杜

子春云當為鴈玄謂深蒲蒲始生水中子落箭萌筍竹萌羞豆之實醢食糝食鄭司

醢食以酒醢為餅糝食菜餼蒸玄謂醢餐也內則曰取稻米舉搔漉之小切狼臠膏以與稻米為餐又曰糝取

牛羊豕之肉三如一小吃之與稻米稻米二肉一合以為餌煎之凡祭祀共薦羞之

豆實醢人掌共五齊七菹凡醢物以共祭祀之齊菹

次定四庫全書

禮書綱目 十四

凡醯醬之物

齊道醬屬醢人者皆須醢成味

鹽人祭祀共其苦鹽散

鹽

杜子春讀苦為鹽謂出鹽直用不凍治鄭司農云散鹽凍治者玄謂散鹽鬻水為鹽

宰夫以

式法掌祭祀之戒具與其薦羞

薦脯鹽也羞庶羞內羞

腊人凡

祭祀共豆脯薦脯臠胖凡腊物

脯非豆實豆當為羞聲之誤也鄭司農云臠膾

肉鄭大夫云胖讀為判杜子春讀胖為版又云臠胖皆謂夾脊肉又云禮家以胖為半體玄謂公食大夫禮曰庶羞皆有大者此據肉之所擬祭者也又引有司曰主人亦一魚加臠祭于其上者此據主人擬祭者臠與大亦一也內則曰麋鹿田豕膚皆有胖足相參正也大者歲之大臠臠者魚之反覆臠又詁曰大二者同矣則是臠亦豚肉大臠胖宜為脯而腥胖之言片也析肉意也禮固有腥醢燔雖其有為孰之皆先制乃亨並天官

量人凡祭祀制其從獻脯燔之數量

鄭司農云从獻者肉穀从酒也

玄謂燔从于獻酒之肉炙也數多少也量長短也

夏官

外饗掌外祭祀之割亨

共其廬脩刑廬陳其鼎俎實之牲體魚腊

脩鍛脯也鄭司農云刑廬

謂夾脊肉或曰膾肉也玄謂刑銅羹也廬腩肉大臠所以祭者

亨人祭祀共大羹鉶

羹

大羹肉清鄭司農云大羹不致五味鉶羹加鹽菜矣並天官

庶羞不踰牲

祭以羊則

不以牛肉為羞王制

右庶羞

鳥獸之肉不登于俎則公不射

隱五年左氏傳

水草之藟陸產之醢小物備矣三牲之俎八簋

之實美物備矣昆蟲之異草木之實陰陽之物備

矣

詳見祭義

薦不美多品

禮器

苟有明信澗谿沼沚

之毛

谿亦澗也沼池也沚小渚也毛草也

蘋蘩蕒藻之菜

蘋大萍也蘩藟蒿蘆

藻聚藻也

筐筥錡釜之器

方曰筐圓曰筥無足曰釜有足曰錡

潢汙行潦

之水

潢汙渟水行潦流潦

可薦于鬼神

隱三年左氏傳

里革曰古

者大寒降土蟄發水虞于是乎講眾畱取名魚登

川禽而嘗之寢廟鳥獸成水蟲孕水虞于是乎禁

罝罽設罝鄂以實廟庖

詳見通禮政事下

屈到嗜芰

屈到

楚卿屈蕩子夕也芟蒨也

有疾召其宗老而屬之

家臣曰老宗老為宗

人曰祭我必以芟及祥

祥祭也

宗老将薦芟屈建命

去之

建屈到之子子木也

宗老曰夫子屬之

夫子屈到也

子木曰

不然夫子承楚國之政

承奉也

其法刑在民心而藏

在王府上之可以比先王下之可以訓後世雖微

楚國諸侯莫不譽

微無也雖使無楚國之稱諸侯猶皆譽之以為善也

其祭

典有之曰國君有牛享

諸侯有大牢也

大夫有羊饋

羊饋少牢

也士有豚犬之饋

士以特牲

庶人有魚炙之薦

庶人以魚祀

遵豆脯醢則上下共之

共之以多
少為差也

不羞珍異不陳

庶侈

羞進也庶衆
也侈猶多也

夫子不以其私欲干國之典遂

不用

干犯也
國語楚語

豐卷將祭請田焉子產弗許

田獵

也

曰唯君用鮮

鮮野獸

衆給而已

衆臣祭以芻豢為
足襄三十年左

氏傳

夏后氏尚明水殷尚醴周尚酒

此皆其時之用耳言
尚非也明堂位

司烜氏掌以夫遂取明火于日以鑒取明水于月以共

祭祀之明盥明燭共明水

夫遂陽遂也鑒鏡屬取水者
世謂之方諸取日之火月之

水欲得陰陽之氣也明燭以照饌陳明水以為玄酒
鄭司農云夫發聲明謂以明水滌滌粢盛黍稷秋官

酒人掌為五齊三酒祭祀則共奉之以役世婦

世婦謂宮

卿之官掌女宮之宿戒及祭祀比其具酒
人共酒因留與其美為世婦役亦官聯
凡祭祀共酒

以往

不言奉小祭祀

酒正辨五齊之名一曰泛齊二曰醴齊

三曰盎齊四曰緹齊五曰沈齊

泛者成而滓浮泛然如今宜成醪矣醴猶體

也成而汁滓相將如今恬酒矣盎猶翁也成而翁翁然
蔥白色如今鄭白矣緹者成而紅赤如今下酒矣沈者
成而滓沈如今造清矣自醴以上尤濁縮酌者盎以下
差清其象類則然古之法式未可盡聞杜子春讀齊皆
為菜又禮器曰緹酒之用玄酒之尚
玄謂齊者每有祭祀以度量節作之
辨三酒之物一曰

事酒二曰昔酒三曰清酒

鄭司農云事酒有事而飲也昔酒無事而飲也清酒祭祀

之酒玄謂事酒酌有事者之酒其酒則今之醕酒也昔酒今之酋久白酒所謂舊醕者也清酒今中山冬釀接

夏而

成凡祭祀以法共五齊三酒以實八尊大祭三貳中

祭再貳小祭壹貳皆有酌數唯齊酒不貳皆有器量

酌器

所用注尊中者數量之多少未聞鄭司農云三貳三並副之也大祭天地中祭宗廟小祭五祀齊酒不貳為尊者質不敢副並也杜子春云齊酒不貳謂五齊以祭不並也其三酒人所飲者並也弟子職曰周旋而貳唯噍之視玄謂大祭者主服大裘袞冕所祭也中祭者王服鷩冕毳冕所祭也小祭者王服希冕玄冕所祭也三貳再貳壹貳者謂就三酒之尊而並之也禮運曰玄酒在室醴醕在戶棗醕在堂澄酒在下澄酒是三酒也並之

者以飲諸臣若今常滿尊也祭祀必用五齊者至敬不尚味而貴多品並天官

司尊彝掌

六尊六彝之位詔其酌辨其用與其實

位所陳之處酌

異也用四時祭祀所用亦不同實鬱及醴齊之屬

凡六彝六尊之酌鬱齊獻酌

醴齊縮酌盎齊沬酌凡酒脩酌

故書縮為數齊為盞鄭司農云獻讀為儀儀酌

有威儀多也沬酌者沬拭勻而酌也脩酌者以水洗勻而酌也盞讀皆為齊和之齊杜子春云數當為縮齊讀皆為案玄謂禮運曰玄酒在室醴醖在戶案醖在堂澄酒在下以五齊次之則醖酒盎齊也郊特牲曰縮酌用茅明酌也醖酒沬于清汁獻沬于醖酒猶明清與醖酒于舊澤之酒也此言轉相涉成也獻讀為摩莎之莎齊語聲之誤也煮鬱和拒鬯以醖酒摩莎之出其香汁也醖齊尤濁和以明酌沖之以茅縮去滓也盎齊差清

和以清酒泚之而已其餘三齊泛从醴醢沈从盎凡酒謂三酒也脩讀為滌濯之滌滌酌以水和而泚之今齊人命浩酒曰滌明酌酌取事酒之上也澤讀曰醒明酌清酒醖酒泚之皆以舊醒之酒凡此四者祿用鬯齊朝用醴齊饋用盎齊諸臣自酢用凡酒祭齊加明水唯大事于大廟備五齊三酒春官

明水沅齊縮酌用茅明酌也醖酒沅于清汁獻沅于醖

酒猶明清與醖酒于舊澤之酒也

詳見祭義

右酒齊

典瑞大祭祀共其玉器而奉之

玉器謂四圭裸圭之屬春官

泰有

虞氏之尊也山罍夏后氏之尊也著殷尊也犧象周尊

也

泰用瓦著地無足

爵夏后氏以琖殷以斚周以爵

斚畫禾稼也詩曰洗

爵奠

灌尊夏后氏以雞夷殷以斚周以黃目其勺夏后

氏以龍勺殷以疏勺周以蒲勺

夷讀為彝周禮春祠夏禴裸用雞彝鳥彝秋嘗

冬烝裸用斚彝黃彝龍龍頭也疏通刻其頭蒲合蒲如虎頭也明堂位

小宗伯辨六彝

之名物以待果將

六彝雞彝鳥彝斚彝黃彝虎彝雖彝果讀曰裸

辨六尊之名

物以待祭祀

待者有事則給之鄭司農云六尊獻尊象尊壺尊著尊大尊山尊

司尊

彝春祠夏禴裸用雞彝鳥彝皆有舟其朝踐用兩獻尊

其再獻用兩象尊皆有壘諸臣之所昨也秋嘗冬烝裸

用罍彝黃彝皆有舟其朝獻用兩著尊其饋獻用兩壺尊皆有罍諸臣之所昨也凡四時之間祀追享朝享裸用虎彝蜼彝皆有舟其朝踐用兩大尊其再獻用兩山

尊皆有罍諸臣之所昨也

詳見天子諸侯廟享

鬯人掌共秬鬯

而飾之

秬鬯不和鬱者飾之謂設巾

凡祭祀社壇用大罍

壇謂委土為埤壇所

以祭也大罍瓦罍

崇門用瓢齋

崇謂營鄼所祭門國門也春秋傳曰日月星辰之神則雪霜風

雨之不時于是乎崇之山川之神則水旱癘疫之不時于是乎崇之魯莊二十五年秋大水鼓用牲于門故書瓢作割鄭司農云讀割為瓢杜子春讀齋為齋瓢謂瓢齋也築盛也玄謂齋謂為齊取甘瓠割去柢以齊為尊

廟用脩凡山川四方用蜃凡裸事用概凡醑事用散

裸當

為埋字之誤也故書蜃或為謨杜子春云謨當為蜃書亦或為蜃蜃水中蜃也鄭司農云脩模概散散皆器名玄謂廟用脩者謂始禘時自饋食始脩蜃概散皆漆尊也脩讀曰卣卣中尊謂獻象之屬尊者彝為上罍為下蜃畫為蜃形蚌曰合漿尊之象概尊以朱帶者無飾曰散

並秦官

宗廟之祭貴者獻以

爵賤者獻以散尊者舉觶卑者舉角

凡觴一升曰爵二升曰觶三升曰解

四升曰角五升曰散

禮器

有虞氏之兩敦夏后氏之四璉殷之

六瑚周之八簋

皆黍稷器制之異同未聞

俎有虞氏以梡夏后氏以

歲殷以棋周以房俎

梡斷木為四足而已歲之言慶也謂中足為橫鉅之象周禮謂之距

棋之言枳棋也謂曲撓之也房謂足下附也夏后氏以

上下兩間有似于堂房魯頌曰遵豆大房

楬豆殷玉豆周獻豆

楬無異物之飾也獻疏刻之齊人謂無髮為禿楬明堂位

司巫祭祀則共匱主及道布及菹館杜子春云菹讀為

主也道布新布三尺也鉏藉也館神所館止也書或為菹館或為租飽或曰布者以為席也租飽茅裹肉也玄謂道布者為神所設巾中雷禮曰以功布為道布屬于

几也菹之言藉也祭食有當藉者館所以承菹謂若今筐也主先匱菹後館互言之者明共主以匱共菹以

筐大祝取其主菹陳之器則退也士虞禮曰苴刳茅長五寸實于筐饌于西坵上又曰祝盥取苴暢曰以掬

降洗之升入設于几東席上東縮春官

杵以梧

所以擣鬱也掬扣也雜記

掌蜃祭祀共蜃器之蜃器節祭

屬也。掌人職曰：凡四方山川用蜃器。春秋定十四年，秋，天王使石尚來歸蜃。蜃之器以蜃飾，因名焉。鄭司農云：蜃可以白器令色白。
地官 凌人祭祀共冰鑑。
鑑如甄大口以盛水。天官

司几筵掌五几五席之名物，辨其用與其位。
五几左右玉彫彤漆

書五席莞藻次蒲熊用位所設之席及其處 凡大朝覲大饗射，凡封國命諸

侯王位，設黼依，依前南鄉；設莞筵紛純，加繅席黼純。左

右玉几。
斧謂之黼，其繡白黑采以絳白為質，依其制如屏風然。于依前為王設席，左右有几，優至尊也。

鄭司農云：紛讀為幽，又讀為和，粉之粉謂白繡也。純讀為均，服之均純緣也。繅讀為藻，率之藻次席虎皮為席。書顧命曰：成王將崩，命大保芮伯、畢公等被冕服，馮王几，玄謂紛如綬，有文而狹者，繅席削蒲弱展之，編以五

采若今合歡矣畫謂雲氣也祀先王昨席亦如之鄭司農云

次席桃枝席有次列成文者

昨席于主階設席王所坐也玄謂昨讀曰酢謂祭祀及

王受酢之席尸卒食王醕之卒爵祝受之又酌授尸尸

酢王于是席王于戶內諸侯祭祀席蒲筵續純加莞席

后諸臣致爵乃設席

紛純右彫几續畫文也不莞席加繅者繅柔昨席莞筵

紛純加繅席畫純

昨讀亦曰酢甸役則設熊席右漆几謂王

司祭表貉所設席春官鬼神之神祭單席禮器冪人掌共巾冪共

可以祭祀以疏布巾冪八尊

以疏布者天地之神尚質以畫布巾冪

六爨宗廟可以文畫者畫其雲氣與天官伊耆氏掌國之大祭祀共

覆物

伊耆氏掌國之大祭祀共

伊耆氏掌國之大祭祀共

伊耆氏掌國之大祭祀共

伊耆氏掌國之大祭祀共

伊耆氏掌國之大祭祀共

伊耆氏掌國之大祭祀共

其杖咸

咸讀為函老臣雖杖于朝事鬼神尚敬去之有司以此函藏之既事乃授之

秋官 鄉

師正歲稽其鄉器閭共祭器鄉共吉凶禮禮樂之器

祭器

者簋簠鼎俎之屬閭胥主集為之吉器若閭祭器者也

地官 孟冬命工師效功陳

祭器案度程

主于祭器祭器尊也度謂制大月令

凡家造

祭器為先犧賦為次養器為後

大夫稱家謂家始造事犧賦以賦出牲

無

田祿者不設祭器有田祿者先為祭服

祭服祭器可假祭服宜自有

君

子雖貧不粥祭器雖寒不衣祭服

廣敬鬼神也粥賣也曲禮

四

命受器

鄭司農云受祭器為上大夫玄謂此公之孤始得有祭器者也禮運曰大夫具官祭器不假聲

樂皆具非禮也王之下大夫亦四命春官大宗伯

大夫祭器不假祭器未成

不造燕器

造為也王制

大夫士去國祭器不踰竟

此用君祿所作

取以出竟恐辱親也

大夫寓祭器于大夫士寓祭器于士

寓寄也與得用

者言寄親已後還曲禮

宗廟之器不粥于市

王制

君子敬則用

祭器

謂朝聘待賓客崇敬不敢用燕器也表記

祭服敝則焚之祭器敝

則埋之

此皆不欲人褻之也焚之必已不用埋之不知鬼神之所為曲禮

右祭器

大夫祭器不假非禮也

臣之奢富擬于國君敗亂之國

也禮運

內牢中春詔后帥外內命婦始蠶于北郊以為祭服

天官

王后蠶于北郊以共純服夫人蠶于北郊以共冕服

祭統 親蠶之禮詳見內治篇

季夏命婦官染采黼黻文章必以法

故無或差貸以給郊廟祭祀之服

詳月令

典絲凡祭祀

共黼畫組就之物

以給衣服冕旒及依盥巾之屬白與黑謂之黼采色一成曰就

天官

弁師掌王之五冕

詳見名器上篇

司服掌王之吉凶衣服

辨其名物與其用事

用事祭祀視朝甸凶弔之事衣服各有所用

王之吉服

祀昊天上帝則服大裘而冕祀五帝亦如之享先王則

衮冕享先公饗射則鷩冕祀四望山川則毳冕祭社稷

五祀則希冕祭羣小祀則玄冕

詳見名器

公之服自衮冕而

下如王之服侯伯之服自鷩冕而下如公之服子男之

服自毳冕而下如侯伯之服孤之服自希冕而下如子

男之服卿大夫之服自玄冕而下如孤之服士之服自

皮弁而下如大夫之服其齊服有玄端素端

詳見名器

凡大

祭祀共其衣服而奉之

奉猶送也送之于王所春官

追師掌王后

之首服為副編次追衡笄為九嬪及外內命婦之首服

以待祭祀

詳見名器

內司服掌王后之六服褱衣揄狄闕

狄鞠衣展衣緣衣素沙辨外內命婦之服鞠衣展衣緣

衣素紗凡祭祀共后之衣服及九嬪世婦凡命婦共其

衣服

詳見名器

王后褱衣夫人揄狄君命屈狄再命褱衣

一命褱衣士祿衣

詳見名器

屨人掌王及后之服屨為赤

舄黑舄赤纁黃纁青舄素屨葛屨辨外內命夫命婦之

命屨功屨散屨凡四時之祭祀以宜服之

詳見名器

天子

玉藻十有二旒前後邃延龍卷以祭玄端而朝日于東

門之外聽朔于南門之外諸侯玄端以祭皮弁以聽朔

于太廟

詳見名器及朝廷禮

大夫冕而祭于公弁而祭于已士

弁而祭於公冠而祭于已士弁而親迎然則士弁而祭

于已可也

詳見名器

少牢饋食之禮主人朝服主婦被錫

衣侈袂主婦贊者亦被錫衣侈袂

詳見少牢

特牲饋食之

禮主人冠端玄子姓兄弟如主人之服有司羣執事如

兄弟服

詳見特牲

特牲饋食其服皆朝服玄冠緇帶緇韠

唯尸祝佐食玄端玄裳黃裳雜裳可也皆爵韠

同上

主

婦纚笄宵衣

同上

有虞氏皇而祭夏后氏收而祭殷人

畀而祭周人冕而祭

詳見名器

玄冠丹組纓諸侯之齊冠

也玄冠綦組纓士之齊冠也

詳見祭通禮齊戒章

周弁殷皐夏

收

同上

有虞氏服黻夏后氏山殷火周龍章

詳見名器

一

命縕黻幽衡再命赤黻幽衡三命赤黻蔥衡

同上

鄉師

比共吉凶二服

吉服者祭服也比長主集為之地官

有田祿者先為

祭服君子雖寒不衣祭服

詳見祭器

祭服敝則焚之

同上

燕衣不踰祭服

王制

右祭服

大司樂以六律六同五聲八音六舞大合樂以致鬼神
示乃分樂而序之以祭以享以祀乃奏黃鍾歌大呂舞
雲門以祀天神乃奏大簇歌應鍾舞咸池以祭地示乃
奏姑洗歌南宮舞大磬以祀四望乃奏蕤賓歌函鍾舞
大夏以祭山川乃奏夷則歌小呂舞大濩以享先妣乃
奏無射歌夾鍾舞大武以享先祖凡六樂者文之以五
聲播之以八音凡六樂者一變而致羽物及川澤之示

再變而致羸物及山林之示三變而致鱗物及丘陵之
示四變而致毛物及墳衍之示五變而致介物及土示
六變而致象物及天神凡樂園鍾為宮黃鍾為角太簇
為徵姑洗為羽雷鼓雷鼗孤竹之管雲和之琴瑟雲門
之舞冬日至于地上之圜丘奏之若樂六變則天神皆
降可得而禮矣凡樂函鍾為宮太簇為角姑洗為徵南
宮為羽靈鼓靈鼗孫竹之管空桑之琴瑟咸池之舞夏
日至于澤中之方丘奏之若樂八變則地示皆出可得

而禮矣凡樂黃鍾為宮大呂為角大簇為徵應鍾為羽
路鼓路鼗陰竹之管龍門之琴瑟九德之歌九磬之舞
于宗廟之中奏之若樂九變則人鬼可得而禮矣凡樂
事大祭祀宿縣遂以聲展之王出入則令奏王夏尸出

入則令奏肆夏牲出入則令奏昭夏帥國子而舞

詳見樂制

典庸器掌藏樂器及祭祀則帥其屬而設筭虞

詳見樂器

鍾師凡祭祀奏燕樂

鐃師凡祭祀鼓其金奏之樂

笙師凡祭祀共其鍾聲之樂

磬師凡祭祀奏縵樂

大師大祭祀帥瞽登歌令奏擊拊下管播樂器令奏

鼓輦 小師大祭祀登歌擊拊下管擊應鼓徹歌凡小

祭祀小樂事鼓輦 樂師凡國之小事用樂者令奏鐘

鼓凡樂成則告備詔來瞽皐舞及徹帥學士而歌徹令

相已上並詳見樂制

鼓人以鼙鼓鼓神祀以靈鼓鼓社祭以

路鼓鼓鬼享詳見樂器

大胥凡祭祀之用樂者以鼓徵學

士詳見樂制

籥師祭祀則鼓羽籥之舞 司干掌舞器祭

祀舞者既陳則授舞器既舞則受之 司兵祭祀授舞

者兵 司戈盾祭祀授旅賁父故士戈盾授舞者兵亦如之 舞師掌教兵舞帥而舞山川之祭祀教帔舞帥而舞社稷之祭祀教羽舞帥而舞四方之祭祀教皇舞帥而舞旱暵之事凡野舞則皆教之凡小祭祀則不與舞 旄人掌教舞散樂舞夷樂凡四方之以舞仕者屬焉凡祭祀舞其燕器 韎師掌教韎樂祭祀則帥其屬而舞之 鞮韠氏掌四夷之樂與其聲歌祭祀則敔而歌之

並詳見

歌舞

右樂舞 昔者周公旦有勲勞于天下周公既沒
成王康王追念周公之所以勲勞者而欲尊魯故
賜之以重祭外祭則郊社是也內祭則大嘗禘是
也大夫嘗禘升歌清廟下而管象朱干玉戚以舞
大武八佾以舞大夏此天子之樂也康周公故以
賜魯也子孫纂之至于今不廢所以明周公之德
而又以重其國也

詳見
祭義

季夏六月以禘禮祀周

公于太廟升歌清廟下管象朱干玉戚冕而舞大

武皮弁素積裼而舞大夏昧東夷之樂也任南蠻之樂也納夷蠻之樂于大廟言廣魯于天下也

詳見

廟享
禘章

荀偃士句曰魯有禘樂賓祭用之

詳見
歌舞

隱公五年考仲子之宮將萬焉公問羽數于衆仲對曰天子用八諸侯用六大夫四士二夫舞所以節八音而行八風故自八以下公從之于是初獻六羽始用六佾也

同上

昭公將禘于襄公萬者二

人其衆萬于季氏臧孫曰此之謂不能庸先君之

廟

同上

孔子謂季氏八佾舞于庭是可忍也孰不

可忍也 三家者以雍徹子曰相維辟公天子穆

穆奚取于三家之堂

並詳見
歌舞

季冬乃命四監收秩薪柴共郊廟及百祀之薪燎

四監
主山

林川澤之官也大者可析謂之薪小者合束謂之柴
薪施炊爨柴以給燎春秋傳曰其父析薪月令

遂人凡國祭祀令野職

野職薪炭之
屬地官

委人以式法共

祭祀之薪蒸木材

式法故事之多少也薪蒸給收及燎
粗者曰薪細者曰蒸木材給張事

同上 司烜氏掌以夫遂取明火于日共祭祀之明燭凡

邦之大事共墳燭庭燎

故書墳為黃鄭司農云黃燭麻燭也玄謂墳大也樹于門外曰

大燭于門內曰庭燎皆所以照衆為明

秋官

甸師祭祀共蕭茅

鄭大夫云蕭字或為

舊蕭讀為縮束茅立之祭前沃酒其上酒滲下去若神飲之故謂之縮縮浚也故齊桓公責楚不貢包茅王祭

不共無以縮酒杜子春讀為蕭蕭香蒿也玄謂詩所云取蕭祭脂郊特牲云蕭合黍稷臭陽達于墻屋故既薦

然後炳蕭合馨香合馨香者是蕭之謂也茅以共祭之宜亦以縮酒宜以藉祭縮酒汙酒也醴齊縮酌

天官

鄉師大祭祀共茅菹

杜子春云菹當為菹以茅為菹若葵菹也鄭大夫讀菹為藉謂

祭前藉也易曰藉用白茅无咎玄謂菹士虞禮所謂宜刊茅長五寸束之者是也祝設于几東席上食佐食取黍

稷祭于苴三取膚祭祭如初此所以承祭既祭蓋束而去之守祧職云既祭藏其隋是與地官

掌蜃

祭祀共白盛之蜃

盛猶成也謂飾牆使白之蜃也今東萊用蛤謂之義灰云同上

幕人凡祭祀共其帷幕幄幣綬

共之者掌次當以張

掌次凡祭

祀張其旅幕張尸次

旅衆也公卿以下即位所祭祀之門外以待事為之張大幕尸則有

幄鄭司農云尸次祭祀之尸所居更衣帳同上

右薪茅雜物 齊桓公伐楚曰爾貢包茅不入王

祭不共無以縮酒寡人是徵

包裹束也茅青茅也束茅而灌之以酒為

縮酒尚書包匭菁茅茅之

為異未審僖四年左傳

五穀不升謂之大侵

侵傷

大侵之禮禱而不祀

周書曰大荒有禱無

祀襄二十四年穀梁傳

凶年則乘駑馬祀以下牲自貶損亦取易供也駑馬

六種最下者下牲少牢若特豕特豚也

雜記閭師凡庶人不畜者祭無牲

不耕者祭無盛

掌罰其家事也盛黍稷也地官

右殺禮 孔子在齊齊大旱春飢景公問于孔子

曰如之何孔子曰凶年則乘駑馬力役不興馳道

不修

馳道君行之路

祈以幣玉

君所祈請用幣及玉不用牲也

祭祀不縣

不作樂也

祀以下牲

當用大牢者用少牢

此賢君自貶以救民之

禮也

家語

鄭公孫黑肱有疾歸邑于公

黑肱子張召室

老宗人立段

段子石
黑肱子

而使黜官薄祭

黜官無
多受職

祭以

特羊殷以少牢足以供祀

四時祀一羊三年盛祭
以羊豕殷盛也
襄二

十二年
左氏傳

禮書綱目卷四十六

欽定四庫全書

禮書綱目卷四十七

婺源江永撰

祭義

夫禮必本于天，殽于地，列于鬼神。

聖人則天之明，因地之利，取法度于鬼神。

以制禮，下教令也。既又祀之，教民嚴上也。鬼者精魂所歸，神者引物而出，謂祖廟山川五祀之屬也。達于

喪祭

民知嚴上，則此禮達于下也。

夫政必本于天，殽以降下。

降

也。殽，天之氣以下教令天有運移之期，陰陽之節也。

命降于社，之謂殽地。

謂教令由社下。

者也。社，土地之主也。周禮土會之法，有五地之物生。

降于祖廟，之謂仁義。

謂教令由祖下。

者大傳曰自禰率而上至于祖遠者輕仁也自祖率而下至于禰高者重義也降于山川之謂

興作

謂教令由山川下者也山川有草木禽獸可作器物共國事

降于五祀之謂制

度

謂教令由五祀下者五祀有中雷門戶此行之神此始為宮室制度同上

先王患禮

之不達于下也

患下不信也

故祭帝于郊所以定天位也祀

社于國所以列地利也祖廟所以本仁也山川所以儉

鬼神也五祀所以本事也

此所以達禮于下也教民尊神也

故禮行于

郊而百神受職焉禮行于社而百貨可極焉禮行于祖

廟而孝慈服焉禮行于五祀而正法則焉

言信得其禮則神物與天

皆應之百神列宿故自郊社祖廟山川五祀義之脩而

也百物金玉之屬

禮之藏也脩猶飾也藏若其

天地之祭宗廟之事倫

也

倫之言

社稷山川之事鬼神之祭體也

天地人之別體也禮器

祀帝于郊敬之至也

言就而祭之不敢致也

宗廟之祭仁之至

也

仁恩也父子主恩也同上

子曰郊社之義所以仁鬼神也嘗

禘之禮所以仁昭穆也

仁猶存也凡存此者所以善全之道也郊社嘗禘存死之善者

也郊有后稷社有句龍

明乎郊社之義嘗禘之禮治國其如指諸

掌而已乎

治國指諸掌言易知也郊社嘗禘尊卑之事有治國之象焉仲尼燕居

昔先

王之制禮也因其財物而致其義焉爾故作大事必順

天時

大事祭祀也春秋傳曰啟蟄而郊龍見而雩始殺而嘗閑蟄而烝

為朝夕必放于

日月

日出東方月生西方

為高必因丘陵

謂冬至祭天于圓丘之上

為下必因

川澤

謂夏至祭地于方澤之中

是故天時雨澤君子達亶亶焉

達猶皆也

亶亶勉勉也君子愛物見天雨澤皆勉勉勸樂

是故昔先王尚有德尊有道任

有能舉賢而置之聚眾而誓之

古者將有大事必選賢誓眾重事也

是故

因天事天

天高因高者以事也

因地事地

地下因下者以事也

因名山升中

于天

名猶大也升上也中猶成也謂巡守至于方嶽燔柴祭天告以諸侯之成功也孝經說曰封乎泰山

考績燔燎禘乎梁甫刻石紀號也

因吉土以享帝于郊

吉土王者所卜而居之土也饗

帝于郊以四時所兆祭于四郊者也今漢亦四時迎氣其禮則簡

升中于天而鳳凰降

龜龍假

功成而太平陰陽氣和而致象物

饗帝于郊而風雨節寒暑時

五帝主五行五行之氣和而庶徵得其序也五行木為雨金為暘火為燠水為寒土為風是故聖人

南面而立而天下大治

南面立者視朝禮器

郊之祭也迎長

日之至也

易說曰三王之郊一用夏正夏正建寅之月也此言迎長日者建郊而晝夜分而日長也

家語王肅註曰周人始以日至之月冬至而日長

大報天而主日也

大猶偏也天之

神日兆于南郊就陽位也

日太陽之精也家語云兆立于南所以就陽位也于郊

故謂之郊焉王曰兆丘于南謂之園丘兆之于南郊也然則郊之名有三焉築為園丘以象天自然故謂之園丘園丘人之所造故謂之泰壇于南郊在南說學者謂南郊與園丘異若是則詩易尚書謂之園丘也又不通泰壇之名或乃謂周官園丘掃地而祭於其質也王曰虛妄之言皆不通典制也

丘之地掃焉而祭貴其質也器用陶匏以象天地之性也觀天下之物無可以

稱其德王曰人之作物無可稱之故取天地之性以自然也于郊故謂之郊牲用騂

尚赤也用犢貴誠也尚赤者周也王曰郊之用辛也

周之始郊日以至言日以周郊天之月而至陽氣新用事順之而用辛日此說非也郊天之

月而日至魯禮也三王之郊一用夏正魯以無冬至祭天子園丘之事是以建子之月郊天示先有事也用辛

日者凡為人君當齊戒自新耳周衰禮廢儒者見周禮盡在魯因推魯禮以言周事家語云周之始郊其月以日至其日用上辛至于啟蟄之月則又祈穀于上帝此二者天子之禮也魯無冬至大郊之事降穀于天子是以不同也王曰祈求也為農求穀于上帝月令孟春之月乃以元日祈穀于上帝魯無仲冬大郊之事至于祈農與天子同故春秋傳曰夫郊祀后稷以祈農事也是故啟蟄而郊郊而後耕而學者不知推經禮之指歸皮膚妄說乃至顛倒神祇變易時日遷改兆位良可痛心者也

卜郊受命于祖廟作龜

于禰宮尊祖親考之義也

受命謂告之退而卜王曰禰宮父廟也受祭天之命于

祖而作龜于父廟

卜之日王立于澤親聽誓命受教諫之義也

澤澤宮也所以擇賢之宮也既卜必到擇宮擇可與祭祀者因誓勅之以禮也禮器曰舉賢而置之聚眾而誓

之是也王曰誓命祭天所以威獻命庫門之內戒百儀也王親受之故曰受教諫之義

官也大廟之命戒百姓也

王自澤宮而還以誓命重相申勅也庫門在雉門之外入

庫門則至廟門外矣大廟者祖廟也百官公卿以下也百姓王之親也入廟戒親親也王自此還齊路寢之室

庫或為廡祭之日王皮弁以聽祭報示民嚴上也

報猶白也風興朝服

以待白祭事者乃後服祭服而行事也周禮祭之日小宗伯逆盥省鑊告時于王告備于王也喪者不

哭不敢凶服汜埽反道鄉為田燭

謂郊道之民為之也反道剋全新土在上

也田燭田首為燭也

弗命而民聽上

化王嚴上

祭之日王被袞以象天

謂有日月星辰之章此魯禮也周禮王祀昊天上帝則服大裘而冕祀五帝亦如之魯侯之服自袞冕而下也

家語云天子大裘以黼之被裘象天又云既至泰壇
玉脫裘矣服衮以臨燔柴王曰大裘為黼文也言被之
大裘其有象天之文故被戴冕璪十有二旒則天数也
之道路至大壇而脫之

天之大數
不過十二

乘素車貴其質也旂十有二旒龍章而設日

月以象天也

設日月畫于旂上素車殷路也魯公之郊用殷禮也

天垂象聖人則

之郊所以明天道也

明謂則之以示人也

帝牛不吉以為稷牛

養牲必有

也帝牛必在滌三月稷牛唯具所以別事天神與人鬼

也

滌牢中所搜除處也唯具遭時又選可用也

萬物本乎天人本乎祖此所

以配上帝也

言俱本可以配

郊之祭也大報本反始也

郊特牲

有以下為貴者至敬不壇埽地而祭有以素為貴者至

敬無文大路素而越席犧尊疏布甬棹杓

明堂位曰大路殷路也甬

或作幕棹木白理也

禮不盛服不充

禮盛者服充大禮盛者服充大

故大

裘不裼乘路車不式

謂祭天也周禮王祀昊天上帝則服大裘而冕乘玉路或曰乘兵車

不式玉藻

郊之祭也喪者不敢哭凶服者不敢入國門

敬之至也

祭者吉禮不欲聞見凶人祭義

子曰孝莫大于嚴父

萬物

資始于乾人倫資父為天故孝行之大莫過于尊嚴其父也

嚴父莫大於配天則周

公其人也

謂父為天雖無貴賤然以父配天之禮始自周公故曰其人也

昔者周公郊

祀后稷以配天

后稷周之始祖也郊謂園丘祀天也周公攝政因行郊天之祭乃尊始祖以配

之宗祀文王於明堂以配上帝

明堂天子布政之堂也周公因祀五方上帝于

明堂乃尊文王以配之也

是以四海之內各以其職來祭

君行嚴配之禮則德

教刑于四海海內諸侯各脩其職來助祭也

郊則曷為必祭稷王者必

以其祖配王者則曷為必以其祖配自內出者無匹不

行自外至者無主不止

公羊傳詳見天神篇

祀乎明堂所以教

諸侯之孝也

祀乎明堂宗祀文王祭義

古者先王既有天下又

崇立于上帝明神而敬事之

崇尊也立立其祀也上帝天也明神日月也

于

是乎有朝日夕月以教民事君

禮天子以春分朝日以秋分夕月拜日于東門

之外然則夕月在西門之外必矣

國語周語

古者帝王躬率有司百執事

而以正月朝迎日于東郊所以為萬物先而尊事天也祀

上帝于南郊所以報天德

堯典曰寅賓出日此之謂也

三代

之禮天子春朝朝日秋暮夕月所以明有別也

祭日東壇祭月

西壇故以別內外以端其位

大戴禮

祭日于壇祭月于坎以別幽明

以制上下

幽明者謂日照晝月照夜

祭日于東祭月于西以別外內

以端其位

端正

日出于東月生于西陰陽長短終始相巡

以致天下之和

巡讀如沿漢之沿謂更相从道

祭義

雖為天子必有

尊也貴為諸侯必有長也故天子朝日諸侯朝朔

穀梁傳詳

見天神篇

天子冕而執鎮圭率諸侯而朝日東郊所以教

尊尊也

大戴禮

社祭土而主陰氣也君南鄉于北墉下

答陰之義也

墉謂之墉北墉社內北墉

日用甲日之始也

國中之神莫貴于社

天子大社必受霜露風雨以達天地之氣也

大社王為群姓所立

是故喪國之社屋之不受天陽也薄社北墉使陰明也

絕其陽通其陰而已薄社殷之社殷始都薄

社所以神地之道也地載萬物

天垂象取財于地取法于天是以尊天而親地也故教

民美報焉家主中雷而國主社宗本也

中雷亦土神也

唯為社

事單出里唯為社田國人畢作唯社丘乘共築盛所以

報本反始也

單出里皆往祭社于都鄙二十五家為里畢作人則盡行非徒羨也丘十六井也四

丘六十四井曰甸故謂之乘乘者以于車賦出長轂一乘乘或為鄰

季春出火為焚也

謂焚萊也

凡出火以火出建辰之月火始出

然後簡其車賦而厯其卒伍而君親

誓社以習軍旅左之右之坐之起之以觀其習變也

簡厯

謂算具陳列之也君親誓社誓吏士以習軍旅既而遂田以祭社也言祭社則此是仲春之禮也仲春以火田

田止弊火然後獻禽至季春出火而民乃用火而流示
今云季春出火乃誓社記者誤也社或為省

之禽而鹽諸利以觀其不犯命也

流猶行也行行田也鹽讀為監行田示之

以禽使歆豔之觀其用命否也謂禽為利者凡田大獸公之小禽私也

求服其志不貪其

得

失伍而獲猶為犯命

故以戰則克以祭則受福

郊特牲

王者所

以有社稷何為天下求福報功人非土不立非穀不食
土地廣博不可偏敬也五穀衆多不可一一而祭也故
封土立社示有土尊稷五穀之長故封稷而祭之也王
者諸侯俱兩社何俱有土之君太社為天下報功王社

為京師報功大夫有民其有社稷者亦為報功也社稷
在中門之外外門之內何尊而親之與先祖同也不置
中門內何敬之示不褻瀆也社稷所以有樹何尊而識
之使民人望見師敬之又所以表功也尚書亡篇曰太
社唯松東社唯柏南社唯梓西社唯栗北社唯槐王者
自親祭社稷何社者土地之神也土生萬物天下之所
主也尊重之故自祭也其壇大何如春秋文義曰天子
之社稷廣五丈諸侯半之其色如何春秋傳曰天子有

太社焉東方青色南方赤色西方白色北方黑色上冒以黃土故將封東方諸侯青土苴以白茅謹敬潔清也王者諸侯必有誠社何示有存亡也明為善者得之惡者失之禮曰亡國之社稷必以為宗廟之屏示賦之也

白虎通

五祀者何謂也謂門戶井灶中雷也所以祭何人之所處出入所飲食故為神而祭之祭五祀所以歲一徧何順五行也故春祭戶戶者人所出入春亦萬物始觸戶而出也夏祭灶者火之生人所以自養也夏亦

火王長養萬物秋祭門門以閉藏自固也秋亦萬物成
熟內備自守也冬祭井井者水之生藏在地中冬亦水
王萬物伏藏六月祭中雷中雷者象土在中央也六月
亦土王也天子諸侯以牛卿大夫以羊因四時牲也一
說戶以羊灶以雉中雷以豚門以犬井以豕或曰中雷
用牛其餘不得用豚井以魚

同上

王孫賈問曰與其媚

于奧寧媚于竈何謂也

王孫賈衛大夫媚親順也室西南隅為奧灶者五祀之一夏所祭

也凡祭五祀皆先設主而祭于其所然後迎尸而祭于奧略如祭宗廟之儀如祀灶則設主于灶陘祭畢而更

設饌于奧以迎尸也故時俗之語因以奧有常尊而非祭之主灶雖卑賤而當時用事喻自結于君不如阿附

權臣也賈衛之權

子曰不然獲罪于天無所禱也

天即理也

其尊無對非奧灶之可比也逆理則獲罪于天矣豈媚于奧灶所能禱而免乎言但當順理非特不當媚灶亦不可媚于奧也謝氏曰聖人之言遜而不迫使王孫賈而知此意不為無益使其不知亦非所以取禍

論

語

五嶽者何謂也泰山東嶽也霍山南嶽也華山西

嶽也常山北嶽也嵩高山中嶽也五嶽何以視三公能大布雲雨也能大斂雲雨也雲觸石而出膚寸而合不崇朝而雨天下施德博大故視三公也四瀆者何謂也

江河淮濟也四瀆何以視諸侯能蕩滌垢濁焉能適百川于海焉能出雲雨千里焉為施甚大故視諸侯也山川何以視子男也能出物焉能潤澤物焉能生雲雨為恩多然品類以百數故視子男也說苑天子大蜡八

所祭有八神也

伊耆氏始為蜡

伊耆氏古天子號也

蜡也者索也

謂求索也

歲

十二月合聚萬物而索饗之也

歲十二月周之正數謂建亥之月也享者祭其

神也萬物有功加于民者神使為之也祭之以報焉造者配之也

蜡之祭也主先嗇而

祭司嗇也

先嗇若神農者司嗇后稷是也

祭百種以報嗇也

嗇所樹藝之功使盡

之饗農及郵表啜禽獸仁之至義之盡也農田啜也郵表啜謂田啜

所以督約百姓于井間之處也詩云為下國啜郵禽獸服不氏所教擾猛獸也古之君子使之

必報之迎貓為其食田鼠也迎虎為其食田豕也迎而

祭之也迎其神也祭坊與水庸事也水庸溝也曰土反其宅水歸

其壑昆蟲毋作草木歸其澤此蜡祝辭也若辭同則祭同處可知矣壑猶坑也昆

蟲暑生寒死螟螣之屬為害者也皮弁素服而祭素服以送終也葛帶

榛杖喪殺也蜡之祭仁之至義之盡也送終喪殺所謂老物也素服衣

裳皆素黃衣黃冠而祭息田夫也祭謂既蜡臘先祖五祀也于是勞農以休息之

論語曰黃衣狐裘

野夫黃冠黃冠草服也

言祭以息民服象其時物之色季秋而草

木黃落

大羅氏天子之掌鳥獸者也諸侯貢屬焉草笠而

至尊野服也

諸侯于蜡使使者戴草笠貢鳥獸也詩云彼都人士臺笠緇撮又曰其餉伊泰其笠

伊糾皆言野人之服也

羅氏致鹿與女而詔客告也以戒諸侯曰

好田好女者亡其國

詔使者使歸以此告其君所以戒之

天子樹瓜華不

欽藏之種也

華果蓏也又詔以天子樹瓜蓏而已戒諸侯以蓄藏蘊財利也

八蜡以記

四方

有祭也

四方年不順成八蜡不通以謹民財也

其方

穀不熟則不通于蜡者使民謹于用財蜡有八者先蠶一也司蠶二也農三也郵表畷四也貓虎五也坊六也

水庸七也
昆蟲八也

順成之方其蜡乃通以移民也

移之言羨也
詩頌豐年曰

為酒為醴烝畀祖妣以
洽百禮此其美之與

既蜡而收民息已故既蜡君子

不興功

收謂收斂積聚也息民與蜡異則黃
衣黃冠而祭為臘必矣

郊特牲
祀先賢

于西學所以教諸侯之德也

西學周小學也先賢有道
德王所使教國子者

義
祭有祈焉

祈猶求也謂祈
福祥求永貞也

有報焉

謂若獲
禾報也

有由辟

焉

由用也辟讀為弭謂弭災
兵遠罪疾也

郊特牲
君子曰禮之近人情者非

其至者也

近人情者褻
而遠之者敬

郊血大饗腥三獻燔一獻孰

郊祭

天也大饗裕祭先王也三獻祭社稷五祀一獻祭羣小
祀也燔沈肉于湯也血腥燔孰遠近備古今也尊者先

遠差降而下至小
祀孰而已 禮器

郊血大饗腥三獻爛一獻孰至敬

不饗而貴氣臭也

血腥爛祭用氣郊特牲

孔子曰誦詩三百不

足以一獻一獻之禮不足以大饗大饗之禮不足以大

旅大旅具矣不足以饗帝

誦詩三百喻習多言而不學禮也大旅祭五帝也饗帝祭

天毋輕議禮

謂若誦詩者不可強言禮

禮有以多為貴者天

子七廟諸侯五大夫三士一此以多為貴也

同上

王者

天太祖諸侯不敢懷大夫士有常宗所以別貴始德之

本也郊止天子社止諸侯道及士大夫所以別尊卑尊

者事尊卑者事卑宜鉅者鉅宜小者小也故有天下者
事七世有國者事五世有五乘之地者事三世有三乘
之地者事二世待年而食者不得立宗廟所以別積厚
積厚者流澤光也積薄者流澤卑也

大戴禮

清廟茅屋昭

其儉也

以茅飾屋著儉也清廟肅然
清靜之稱桓二年左氏傳

王者所以立宗

廟何緣生以事死敬亡若存故以宗廟而事之此孝子

之心也宗者尊也廟者貌也象先祖之尊貌也

白虎通

子羔問曰祭典云昔者有虞氏祖顓頊而宗堯夏后氏

亦祖顓頊而宗禹殷人祖契而宗湯周人祖文王而宗武王此四祖四宗或乃異代或其考祖之有功德其廟可也若有虞宗堯夏祖顓頊皆異代之有功德者也亦可以存其廟乎孔子曰善如汝所問也如殷周之祖宗其廟可以不毀其他祖宗者功德不殊雖在殊代亦可以無疑矣詩云蔽芾甘棠勿剪勿伐召伯所憇周人之於召公也愛其人猶敬所舍之樹况祖宗其功德而可以不尊奉其廟乎

家語

親親故尊祖尊祖故敬宗敬宗

故收族收族故宗廟嚴宗廟嚴故重社稷

收族序以昭穆也嚴猶尊

也孝經曰孝莫大于嚴父大傳

庶子不祭明其宗也

明猶尊也一統焉族人上

不戚君下又辟宗乃後能相序同上

庶子不祭祖者明其宗也

明其尊宗

以為本也禰則不祭矣言不祭祖者主謂宗子庶子俱為適士得立祖禰廟者也凡正體在乎上者謂下正猶為庶也喪服小記

庶子不祭禰者明其宗也

謂宗子庶子其為下士得立禰

廟也雖庶人亦然同上

或問禘之說子曰不知也知其說者之

于天下也其如示諸斯乎指其掌

先王報本追遠之意莫深于禘非仁孝誠

敬之至不足與以此非或人之所及也而不王不禘之法又魯之所當諱者故以不知答之示與視同指其掌

弟子記夫子言此而自指其掌言其明且易也蓋知禘之說則理無不明誠無不格而治天下不難矣聖人于此豈真有所不知也哉八佾禽獸知母而不知父野人曰父母何

算焉都邑之士則知尊禘矣大夫及學士則知尊祖矣

諸侯及其大祖天子及其始祖之所自出尊者尊統上

卑者尊統下

都邑之士則知尊禘近政化也大祖始封之君始祖者感神靈而生若稷契也自由

也及始祖之所由出謂祭天也上猶遠也下猶近也今案天子及其始祖之所自出謂若虞夏禘黃帝殷周

禘帝嚳是也注說非是喪服子夏傳

三歲一祫五歲一禘祫者合也

禘者諦也祫者大合祭于祖廟也禘者諦昭穆而差優

劣也

說苑

大饗其王事與

盛其饌與貢謂袷袞先王

三牲魚腊四海

九州之美味也籩豆之薦四時之和氣也

此饌諸侯所獻

內金

示和也

此所貢也內之庭實先設之金从革性和荆揚二州貢金三品

東帛加璧尊德

也

貢享所執致命者君子于玉比德焉

龜為前列先知也

龜知事情者陳于庭在前荆州

納錫大龜

金次之見情也

金始物金有兩義先入後設

丹漆絲纊竹箭與

衆共財也

萬民皆存此物荆州貢丹宛州貢漆絲豫州貢纊揚州貢篠蕩

其餘無常貨

各以其國之所有則致遠物也

其餘謂九州之外夷服鎮服蕃服蕃服之國周

禮九州之外謂之蕃國世一見以其所貴實為摯周穆王征犬戎得白狼白鹿近之

其出也肆夏

而送之蓋重禮也

出謂諸侯之賓也禮畢而出作樂以節之肆夏當為咳夏禮器

大饗之禮尚玄酒而俎腥魚大羹不和有遺味者矣

大享

袷祭先王以腥魚為俎實不膈熟之大羹肉清不調以鹽菜遺猶餘也

樂記

大享尚玄尊

俎生魚先大羹貴飲食之本也大享尚玄尊而用酒食

先黍稷而飯稻粱祭饗大羹而飽乎庶羞貴本而親用

也

大戴禮

凡祭有四時春祭曰禘夏祭曰禘秋祭曰嘗

冬祭曰烝

謂夏殷時禮也

禘禘陽義也嘗烝陰義也禘者陽之

盛也嘗者陰之盛也故曰莫重于禘嘗

夏者尊卑著而秋萬物成

古

者於禘也祭爵賜服順陽義也于嘗也出田邑發秋政

順陰義也

言爵命屬陽國地屬陰

故記曰嘗之日發公室示賞也

草艾則墨未發秋政則民弗敢草也

發公室出賞物也草艾謂艾取草也

秋草木成可艾艾給釐亨時則始行小刑也

故曰禘嘗之義大矣治國之本

也不可不知也明其義者君也能其事者臣也不明其

義君人不全不能其事為臣不全

全猶具也

夫義者所以濟

志也諸德之發也是故其德盛者其志厚其志厚者其

義章其義章者其祭也敬祭敬則竟內之子孫莫敢不

敬矣

濟成也發謂機發也竟內之子孫萬人為子孫

是故君子之祭也必身親

泣之有故則使人可也雖使人也君不失其義者君明

其義故也

泣臨也君不失其義者言君雖不自親祭祭禮無闕于君德不損也

其德薄者

其志輕疑于其義而求祭使之必敬也弗可得已祭而

不敬何以為民父母矣

祭統

享禘有樂而食嘗無樂陰

陽之義也凡飲養陽氣也凡食養陰氣也故春禘而秋

嘗春享孤子秋食耆老其義一也而食嘗無樂飲養陽

氣也故有樂食養陰氣也故無聲凡聲陽也

言義同而或用樂而

或不用樂也此禘嘗為禴字之誤也王制曰春禴夏禘

郊特牲

祭不欲數數則煩

煩則不敬祭不欲䟽䟽則怠怠則忘是故君子合諸天

道春禘秋嘗

志與不敬違禮莫大焉合于天道因四時之變化孝子感時念親則以此祭之也春

禘者夏殷禮也周以禘為殷祭更為春祭曰祠

霜露既降君子履之必有悽愴

之心非其寒之謂也春雨露既濡君子履之必有怵惕

之心如將見之

非其寒之謂謂悽愴及怵惕皆為感時念親也霜露既降禮說在秋此無秋字

蓋脫耳

樂以迎來哀以送往故禘有樂而嘗無樂

迎來而樂樂親

之將來也送去而哀哀其享否不可知也小言之則為一祭之間孝子不知鬼神之期推而廣之放其去來

于陰陽
祭義

宰我曰吾聞鬼神之名不知其所謂子曰氣

也者神之盛也魄也者鬼之盛也合鬼與神教之至也

氣謂嘔吸出入者也耳目之聰明為魄合鬼神而祭之聖人之教致之也

衆生必死死必歸

土此之謂鬼骨肉斃于下陰為野土

陰讀為依陰之陰言人之骨肉陰于

地中為土壤

其氣發揚于上為昭明焄蒿悽愴此百物之精

也神之著也

焄謂香臭也蒿謂氣炁出貌也上言衆生此言百物明其與人同也不如人貴爾蒿

或為薦

因物之精制為之極明命鬼神以為黔首則百衆

以畏萬民以服

明命謂尊名也尊極于鬼神不可復加也黔首謂民也則法也為民作法使民

亦事其祖禰鬼
神民所畏服

聖人以是為未足也築為宮室設為宗

祧以別親疏遠邇教民反古復始不忘其所由生也眾

之服自此故聽且速也

自由也言人由此服于聖人之教也聽謂順教令也速疾也

二端既立報以二禮建設朝事燔燎羶鄉見以蕭光以

報氣也此教眾反始也薦黍稷羞肝肺首心見間以俠

觶加以鬱鬯以報魄也教民相愛上下用情禮之至也

二端既立謂氣也魄也更有尊名云鬼神也二禮謂朝事與薦黍稷也朝事謂薦血腥時也薦黍稷所謂饋食也見及見間皆當為觶字之誤也羶當為馨聲之誤也燔燎馨香魄以蕭光取牲祭脂也光猶氣也有虞氏祭

首夏后氏祭心殷祭肝周祭肺鬯以俠飪謂雞之兩觔醴酒也相愛用情謂此以人道祭之也報氣以氣報魄

以實各首其類

君子反古復始不忘其所由生也是以致其

敬發其情竭力從事以報其親不敢勿盡也

從事謂脩薦可以祭

也是故昔者天子為藉千畝冕而朱紘躬秉耒諸侯為

藉百畝冕而青紘躬秉耒以事天地山川社稷先古以

為醴酪齊盛于是乎取之敬之至也

藉藉田也先古先祖

古者天

子諸侯必有養獸之官及歲時齊戒沐浴而躬朝之犧牲祭牲必于是取之敬之至也君召牛納而視之擇其

毛而卜之吉然後養之君皮弁素積朔月月半君巡牲

所以致力孝之至也

歲時齊戒沐浴而躬齊之謂將祭祀卜牲君朔月月半巡視之君召

牛納而視之更本擇牲意

古者天子諸侯必有公桑蠶室近川而為

之築宮仞有三尺棘牆而外閉之及大昕之朝君皮弁

素積卜三宮之夫人世婦之吉者使入蠶于蠶室奉種

浴于川桑于公桑風戾以食之

大昕季春朔日之朝也諸侯夫人三宮半王后

也風戾之者及早涼脆采之風戾之使露氣燥乃以食蠶蠶性惡濕

歲既單矣世婦卒蠶

奉繭以示于君遂獻繭于夫人夫人曰此所以為君服

與遂副禕而受之因少牢以禮之

歲單謂三月月盡之後也言歲者蠶歲之

大功事畢于此也副禕王后之服而云夫人記者容二王之後與禮之禮奉爾之世婦

古之獻爾

者其率用此與

問者之辭

及良日夫人纁三盆手遂布于三

宮夫人世婦之吉者使纁遂朱綠之玄黃之以為黼黻

文章服既成君服以祀先王先公敬之至也

三盆手者三淹也凡

纁淹大總而手振之以出緒也同上

凡治人之道莫急于禮禮有五

經莫重于祭

禮有五經謂吉禮凶禮賓禮軍禮嘉禮也莫重于祭謂之吉禮為首也太宗伯職曰

以吉禮事邦國之鬼禮祇

夫祭者非物自外至者也自中出生于心

也心怵而奉之以禮是故唯賢者能盡祭之義

怵感念親之貌也怵

或為述

賢者之祭也必受其福非世所謂福也福者備也

備者百順之名也無所不順者之謂備言內盡于已而

外順于道也忠臣以事其君孝子以事其親其本一也

世所謂福者謂受鬼神之祐助也賢者之所謂福者謂受天順之顯名也其本一者言忠孝俱由順出也上

則順于鬼神外則順于君長內則以孝于親如此之謂

備唯賢者能備能備然後能祭是故賢者之祭也致其

誠信與其忠敬奉之以物道之以禮安之以樂參之以

時明薦之而已矣不求其為此孝子之心也

明猶潔也
為謂福祐

為已之報

祭者所以追養繼孝也孝者畜也順于道不逆于

倫是之謂畜

畜謂順于德教

是故孝子之事親也有三道焉生

則養沒則喪喪畢則祭養則觀其順也喪則觀其哀也

祭則觀其敬而時也盡此三道者孝子之行也

沒終也既

內自盡又外求助昏禮是也故國君取夫人之辭曰請

君之玉女與寡人共有敝邑事宗廟社稷此求助之本

也

言玉者美言之也君子于玉比德焉

夫祭也者必夫婦親之所以備

內外之官也官備則具備

具謂所共衆物

水草之菹陸產之醢

小物備矣三牲之俎八簋之實美物備矣昆虫之異草

木之實陰陽之物備矣

水草之菹芹苳之屬陸產之醢蜺蜉之屬天子之祭八簋昆虫

謂濕生寒死之蟲也內則可食之物有蜩范草木之實菱芡榛栗之屬

凡天之所生地之

所長苟可薦者莫不咸在示盡物也外則盡物內則盡

志此祭之心也

咸皆也

是故天子親耕于南郊以共齊盛

王后蠶于北郊以共純服諸侯耕于東郊亦以共齊盛

夫人蠶于北郊以共冕服天子諸侯非莫耕也王后夫

人非莫蠶也身致其誠信誠信之謂盡盡之謂敬敬盡

然後可以事神明此祭之道也

純服亦冕服也互言之爾純以見繒色冕以著

祭服東郊少陽諸侯象也夫人不蠶于西郊婦人禮少變也齊盛作案祭統

天子親耕以

共粢盛王后親蠶以共祭服國非無良農工女也以爲

人之所盡事其祖禰不若以已所自親者也

穀梁傳詳見祭物粢

盛章三月繫七日戒三日宿慎之至也

繫繫牲于牢也戒散齊也宿致

齊也將有祭祀之事必先敬慎如此不敢切也禮器

齊之玄也以陰幽思也

故君子三日齊必見其所祭者

齊三日者思其居處思其笑語思其志意思其

所樂則見之也
郊特牲

及時將祭君子乃齊齊之為言齊也齊

不齊以致齊者也是故君子非有大事也非有恭敬也則不齊不齊則于物無防也嗜欲無止也及其將齊也防其邪物訖其嗜欲耳不聽樂故記曰齊者不樂言不敢散其志也心不苟慮必依于道手足不苟動必依于禮訖猶止也是故君子之齊也專致其精明之德也故散齊七日以定之致齊三日以齊之定之之謂齊齊者精明之至也然後可以交于神明也

定者定其志意

是故先期旬有

一日宮宰宿夫人夫人亦散齊七日致齊三日

宮宰守宮官也

宿讀為肅肅猶戒也輕肅重也

君致齊于外夫人致齊于內然後會于

太廟君純冕立於阼夫人副褱立於東房君執圭瓚裸

尸大宗報璋瓚亞裸及迎牲君執紼卿大夫從士執芻

宗婦執盞從夫人薦洗水君執鸞刀羞齊夫人薦豆此

之謂夫婦親之

大廟始祖廟也圭瓚璋瓚裸器也以圭璋為柄酌鬱鬯曰裸大宗亞裸客夫人

有故攝焉紼所以牽牲也周禮作絲芻謂藻也殺牲時用薦之周禮封人祭祀飾牲共其水藻洗盞齊也盞齊洗酌也凡尊有明水因兼云水耳齊齊肺祭肺之屬也君以鸞刀割制之天子諸侯之祭禮先有裸尸之事乃

後迎牲芻或
為糲祭統

致齊于內散齊于外齊之日思其居處

思其笑語思其志意思其所樂思其所嗜齊三日乃見

其所為齊者

致齊思此五者也散齊七日不御不樂不弔耳見所為齊者思之孰也所嗜素所欲

食也春秋傳曰屈到嗜芰

祭之日入室儼然必有見乎其位周還出

戶肅然必有聞乎其容聲出戶而聽愾然必有聞乎其

歎息之聲

周還出戶謂薦設時也無尸者闔戶若食間則有出戶而聽之

是故先王之

孝也色不忘乎目聲不絕乎耳心志嗜欲不忘乎心致

愛則存致慤則著著存不忘乎心夫安得不敬乎

存著則謂

其思念也

君子生則敬養死則敬享思終身弗辱也

享猶祭也享也

義祭

唯聖人為能享帝孝子為能享親

謂祭之能使之饗也帝天

也享者鄉也鄉之然後能享焉

言中心鄉之乃能使其祭見享也上享或謂相

是故孝子臨尸而不怍君牽牲夫人奠盞君獻尸夫人

薦豆卿大夫相君命婦相夫人齊齊乎其敬也愉愉乎

其忠也勿勿諸其欲其饗之也

色不和曰怍奠盞設盞齊之奠也此時君牽牲

將薦毛血君獻尸而夫人薦豆謂繹日也儻尸主人獻尸主婦自東房薦韭菹醢勿勿猶勉勉也慈愛之貌

文王之祭也事死者如事生思死者如不欲生忌日

必哀稱諱如見親祀之忠也如見親之所愛如欲色然

其文王與

思死者如不欲生言思親之深也如欲色者以時人于色厚假以喻之

詩云明

發不寐有懷二人文王之詩也祭之明日明發不寐享

而致之又從而思之祭之日樂與哀半饗之必樂已至

必哀

明祭不寐謂夜而至旦也祭之明日謂繹日也言繹之夜不寐也二人謂父母容尸備也

仲

尼嘗奉薦而進其親也慤其行也趨趨以數

嘗秋祭也親為身親

執事時也慤與趨趨言少威儀也趨讀如促數之言速也

已祭子貢問曰子之言祭

濟濟漆漆然今子之祭無濟濟漆漆何也子曰濟濟者

容也遠也漆漆者容也自反也容以遠若容以自反也

夫何神明之及交夫何濟濟漆漆之有乎

漆漆讀如朋友切切自反猶

言自脩整也容以遠言非所以接親親也容以自反言非孝子所以事親也及與也此皆非與神明交之道

反饋樂成薦其薦俎序其禮樂備其百官君子致其濟

濟漆漆夫何慌惚之有乎

天子諸侯之祭或從血腥始至反饋是進熟也薦俎豆與

俎也慌惚思念益深之時也言祭事既備使百官助已祭然而見其容而自反是無慌惚之思念

夫言

豈一端而已夫各有所當也

豈一端言不可以一祭也禮各有所當行祭宗廟者

賓客濟濟漆漆主人慈而趨趨並祭義

孝子將祭慮事不可以不豫比

時具物不可以不備虛中以治之

此時猶先時也虛中言不兼念餘事

宮

室既脩牆屋既設百物既備夫婦齊戒沐浴盛服奉承

而進之洞洞乎屬屬乎如弗勝如將失之其孝敬之心

至也與

脩設謂掃除及黝墜

薦其薦俎序其禮樂備其百官奉承

而進之

百官助主人進之

于是諭其志意以其慌惚以與神明

交庶或饗之庶或饗之孝子之志也

諭其志意謂使祝祝享及侑尸也或

猶有也言想見其彷彿來

孝子之祭也盡其慤而慤焉盡其信而信

焉盡其敬而敬焉盡其禮而不過失焉進退必敬如親

聽命則或使之也

言當盡已而已如居父母前將受命而使之

孝子之祭可

知也其立之也敬以詘其進之也敬以愉其薦之也敬

以欲退而立如將受命已徹而退敬齊之色不絕于面

詘充詘形容喜貌也進之謂進血腥也愉顏色和貌也薦之謂進孰也欲婉順貌齊謂齊莊

孝子之

祭也立而不詘固也進而不愉疏也薦而不欲不愛也

退立而不如受命教也已徹而退無敬齊之色而忘本

也如是而祭失之矣

固猶質陋也而忘本而衍字

孝子之有深愛者

必有和氣有和氣者必有愉色有愉色者必有婉容

和氣

謂立而誦

孝子如執玉如奉盈洞洞屬屬然如弗勝如將失

之嚴威儼恪非所以事親也成人之道也

成人既冠者然則孝子不

失其孺子之心也同上

孝子將祭祀必有齊莊之心以慮事以

具服物以脩宮室以治百事

謂齊之前後也

及祭之日顏色必

溫行必恐如懼不及愛然

如懼不及見其所愛者

其奠之也容貌

必溫身必誦如語焉而未之然

奠之謂酌尊酒奠之及醕之屬也如語焉而未

之然如有所以語親而未見答

宿者皆出其立卑靜以正如將弗見然

宿者皆出謂賓助祭者事畢出者也如將弗見然祭事畢而不知親所在思念之深如不見出也

及祭

之後陶陶遂遂如將復入然

思念既深如親親將復入也陶陶遂遂相隨行之貌

是故慤善不違身耳目不違心思慮不違親結諸心形

諸色而術省之孝子之志也

術當為述聲之誤也同上

聖主將

祭必潔齊精思若親之在方興未登惴惴憧憧專一想

親之容貌仿佛此孝子之誠也四方之助祭空而來者

滿而反虛而至者實而還皆取法則焉

說苑

祭之為言

察也察者至也至者人事至也人事至然後察

禮志曰齊之日

思其居處思其笑語思其志意思其所樂思其所嗜齊三日乃見其所為齊者祭之日入室慢然必有見乎其

位周還其戶肅然必有聞乎其容聲出戶而聽愾然必有聞乎其歎息之聲是之謂至祭者薦者

也薦之為言在也在也者在其道也禮志曰君子生則敬養死則致享思

終身不忘是之謂在其道祭者志意思慕之情也憚詭詭

僂而不能無時至焉憚變也詭異也皆謂變異感動之貌悒僂氣不舒憤鬱之貌爾雅云

僂也郭云嗚嗚短氣也言人感動與故人之歡欣和憤鬱不能無時而至言有時而至也

合之時則夫忠臣孝子亦憚詭而有所至矣歡欣之時忠臣孝子則感

動而思君親之彼其所至者甚大動也言所至之情甚大感動也案

屈然已則其于志意之情者惘然不嘆其于禮節者闕

然不具

屈竭也屈然空然也惻然悵然也噉足也言若無祭祀之禮空然而已則忠臣孝子之情悵然

不足禮節又闕然不具也

故先王案為之立文尊尊親親之義至矣

文謂祭禮節文

故曰祭者志意思慕之情也忠信愛敬之至矣

禮節文貌之盛矣苟非聖人莫之能知也聖人明之士

君子安行之官人以為守百姓以成俗其在君子以為

人道也其在百姓以為鬼事也

以為人道則安而行之以為鬼事則畏而奉之

故鍾鼓管磬琴瑟笙韶夏濮武洴桓簡簡象是君子

之所以為憚詭其所喜樂之文也

因說祭遂廣言喜樂哀痛敦惡之意本皆

因于感動而為之文飾也喜樂不可無文飾故制為鍾鼓韶夏之屬齊衰苴杖居廬食粥

席薪枕塊是君子之所以為憚詭其所哀痛之文也感動

其所哀痛而不可無文飾故制為齊衰苴杖之屬言本皆因于感動也師旅有制刑法有

等莫不稱罪是君子之所以為憚詭其所敦惡之文也

師旅所以討有罪制謂人數也有等輕重異也敦厚也厚惡深惡也或曰敦讀為損困躓也本因感動敦惡故

制師旅刑罰以為文飾卜筮視日齊戒脩塗几筵饋薦告祝如或

饗之視日之吉凶史記周文為項燕視日脩塗謂脩自宮至廟之道途也几筵謂祝筵几于室中東面也

饋獻牲體也薦進黍稷也告祝謂尸命祝以嘏于主人曰皇尸命工祝承致多福無疆于汝孝孫來汝孝孫使

汝受祿于天宜稼于田眉壽萬年勿替引之如或歆饗其祝然也

物取而皆祭之如或

嘗之

物取每物皆取也謂祝命按祭尸取道換于醢祭于豆間佐食取黍稷肺授尸尸受齊之又取肝換

于盥坐振祭齊之是也如或嘗之謂尸啐齊之如神之親嘗然也

母利舉爵

當云無舉利爵即上

文云利爵之不醢也

主人有尊如或觴之

謂主人設尊酌以獻尸尸飲之如神飲其觴然

賓出主人拜送反易服即位而哭如或去之

此雜說喪祭也易服

易祭服反喪服也賓出祭事畢即位而哭如神哀之去然也

哀夫敬夫事死如事生

事亡如事存狀乎無形影然而成文

狀類也言祭祀不見鬼神有類乎無

形影者然而足以成人道之節文也荀子禮論

夫禮之初始諸飲食其燔

黍稷豚汙尊而抔飲蕡稭而土鼓猶若可以致其敬于

鬼神

言其物雖質略有齊敬之心則可以薦羞于鬼神鬼神享德不享味也中古未有釜甑釋米捭肉加

于燒石之上而食之耳今北狄猶然汙尊鑿地為尊也抔飲手掬之也蕡讀為曲聲之誤也由塤也謂搏土為

稭也土鼓築土為鼓也

及其死也升屋而號告曰臯某復

招之

然

後飯腥而苴孰

飯以稻米上古未有火化苴孰取遣奠有火利也苴或為菹

故天望

而地藏也體魄則降和氣在上

地藏為葬

故死者北首

首陰也

生者南鄉

鄉陽也

皆從其初

謂今行之然也

昔者先王未有宮室

冬則居營窟夏則居橧巢

寒則聚土暑則聚薪柴居其上

未有火化

食腥

也食草木之實鳥獸之肉飲其血茹其毛未有麻絲衣

其羽皮

此上古之時也

後聖有作

起作

然後脩火之利

孰治萬物

范金

鑄作器用

合土

瓦甓及甌大

以為臺榭宮室牖戶

榭器之所藏也

以炮

裹燒

之以

燔

加于火上

以亨

煮之釜也

以炙

貫之火上

以為醴醕

醕醕之也醕醕也

治其麻絲以為布帛以養生送死以事鬼神上帝皆從

其朔

朔亦初也亦謂今行之然

故玄酒在室醴醕在戶粢醎在堂澄

酒在下陳其犧牲備其鼎俎列其琴瑟管磬鍾鼓脩其

祝嘏以降上神與其先祖以正君臣以篤父子以睦兄

弟以齊上下夫婦有所是謂承天之祐

此言今禮饌具所因于古及其

事義也案讀為齊聲之誤也周禮五齊一曰泛齊二曰醴齊三曰盎齊四曰醕齊五曰沈齊字雖異醕與盎澄與沈蓋同物也奠之不同處重古畧近也祝祝為主

享神辭也般祝為尸致福于主人之辭也祐福也福之言備

作其祝號玄酒以祭薦其血毛腥其俎孰其殽與

其越席疏布以冪衣其澣帛醴醢以獻薦其燔炙君與夫

人交獻以嘉魂魄是謂合莫

此謂薦上古中古之食也周禮祝號有六一曰神號

二曰鬼號三曰祗號四曰牲號五曰盞號六曰幣號號者所以尊神顯物也腥其俎謂豚解而腥之及血毛皆所以法于中古也孰其殽謂體解而爛之此以下皆所以法于中古也越席剪蒲席也冪覆尊也澣帛練染以

為祭服嘉樂也莫虛無也孝經說曰上通無莫然後退而合亨體其犬豕牛羊

實其簠簋豆鉶羹祝以孝告嘏以慈告是謂大祥

此謂

薦今世之食也體其犬豕牛羊謂分別骨肉之貴賤以為衆俎也祝以孝告嘏以慈告各首其義也祥善也今世之食于人此禮之大成也
解子游以禮所成也 祭之日

君牽牲穆答君卿大夫序從

祭謂祭宗廟也穆子姓也答對也序以次第也

或為 既入廟門麗于碑卿大夫袒而毛牛尚耳鸞刀以

剗取腓臂乃退爓祭祭腥而退敬之至也

麗猶繫也毛牛尚耳以耳

毛為上也腓臂血與腸間脂也爓祭祭腥祭爓肉腥肉也湯肉曰爓爓祭祭腥或為合祭腥泄腊孰也祭義

大廟之內敬矣君親牽牲大夫贊幣而從

納牲于庭時也當用幣告

神而殺牲

君親致祭夫人薦盎

親制祭謂朝事進血幣時所制者制肝洗于鬱鬯以祭于

室及主

君親割牲夫人薦酒

親割謂進牲孰體時

卿大夫從君命婦

從夫人洞洞乎其敬也屬屬乎其忠也勿勿乎其欲其

饗之也

勿勿猶勉勉也

納牲詔于庭血毛詔于室羹定詔于堂

三詔皆不同位蓋道求而未之得也

肉謂之羹道猶言也

設祭于

堂

設祭之饌于堂人君禮然

為祊乎外

祊祭之明日之繹祭也謂之祊者于廟門之旁因名焉其

祭之禮既設祭于室而事尸于堂孝子求神非一處也周禮曰夏后氏世室門堂三之二室三之一詩頌絜衣

曰自堂
祖基

故曰于彼乎于此乎

不知神之所
在也 禮器

有虞氏之

祭也尚用氣血腥燭祭用氣也

尚謂先薦之
燭或為脂

殷人尚聲

臭味未成滌蕩其聲樂三闋然後出迎牲聲音之號所

以詔告于天地之間也

滌蕩猶
搖動也

周人尚臭灌用鬯臭鬱

合鬯臭陰達于淵泉灌以圭璋用玉氣也既灌然後迎

牲致陰氣也蕭合黍稷臭陽達于牆屋故既奠然後炳

蕭合羶薌

灌謂以圭瓚酌鬯始獻神也已乃逆牲于庭
殺之天子諸侯之禮也奠謂薦孰時也特牲

饋食所云祝酌奠于銅南是也蕭薌蒿也染以脂合黍
稷燒之詩云取蕭祭脂羶當為馨聲之誤也奠或為薦

凡祭慎諸此魂氣歸于天形魄歸于地故祭求諸陰陽

之義也殷人先求諸陽周人先求諸陰

此其所以先後異也

詔祝

于室坐尸于堂

謂朝事時也朝廷延尸于戶西南面布主席東面取牲脾骨燎于爐炭洗肝于

鬱鬯而燔之入以詔神于室又出以墮于主前主人親制其肝所謂制祭也時尸薦以籩豆至薦孰乃更延主

于室之奧尸來升席自北方坐于主北焉

用牲于庭

謂殺之時

升首于室

制祭之後升牲

首于北牖下尊首尚氣

直祭祀于主

謂薦孰時也如特牲少牢饋食之為也直正也祭以孰為

正則血腥之屬盡敬心耳

索祭祀于祊

索求神也廟門曰祊謂之祊者以于繹祭名也

不知

神之所在乎于此乎

室與堂與

或諸遠人乎祭于祊尚

曰求諸遠者與

尚庶幾也

祊之為言倥也

倥猶索也或為諒

所之為

言敬也

為尸有所俎此訓也

富也者福也

人君嘏辭有富此訓之也或曰福也者備也

首也者直也

訓所以升首祭也直或為植也

相饗之也

相謂詒侑也詒侑尸者敬使饗

此饌也特牲饋食禮曰主人拜受尸尸答拜執奠祝饗

嘏長也大也

主人受祭福曰嘏此訓也

尸陳也

尸或詒為主此尸神象當從主訓之言陳非也

毛血告幽全之物也

謂幽

血也告幽全之物者貴純之道也

純謂中外皆善

血祭盛氣也祭

肺肝心貴氣主也

氣主氣之所舍也周祭肺殷祭肝夏祭心

祭黍稷加肺祭

齊加明水報陰也

祭黍稷加肺謂緦祭也明水司烜所取于月之水也齊五齊也五齊加明

水則三酒如玄酒也

取脾腎燔燎升首報陽也

脾腎腸間脂也與蕭合燒之亦有黍

稷也明水洗齊貴新也

洗猶清也五齊濁涕之使清謂之洗齊乃取明水皆貴新也周禮慌

氏以洗水漚然洗齊或為汎齊

凡洗新之也

新之者敬也

其謂之明水也由

主人之潔著此水也

著猶成也言主人齊潔此水乃成可得也

君再拜稽首

肉袒親割敬之至也敬之至也服也拜服也稽首服之

甚也肉袒服之盡也

割解牲體

祭稱孝孫孝子以其義稱也

謂事祖稱稱曾孫某謂國家也

謂諸侯事五廟也于曾祖以上稱曾孫而已

祭祀

之相主人自致其敬盡其嘉而無與讓也

相謂詔侑尸也嘉善也

腥肆爛臠祭豈知神之所饗也主人自盡其敬而已矣

治肉曰肆臠孰也爛或為脂

舉筭角詔妥尸古者尸無事則立有事

而后坐也尸神象也祝將命也

妥安坐也尸始入舉奠筭若奠角將祭之祝則

詔主人拜安尸使之坐尸即至尊之坐或時不自安則以拜安之也天子奠筭諸侯角古謂夏時也

縮酌

用茅明酌也

謂泔醴齊以明酌也周禮曰醴齊縮酌五齊醴尤濁和之以明酌泔之以茅縮去滓

也明酌者事酒之上也名曰明者事酒今之醪酒皆新成也春秋傳曰爾貢包茅不入王祭不共無以縮酒酌

猶斟也酒已泔則斟之以實尊彝昏禮曰酌玄酒三注于尊凡行酒亦為酌也醖酒浼于清謂泔

醖酒以清酒醖酒盞齊差清和之以清酒泔汁獻浼于之而已泔盞齊必和以清酒者皆久味相得

醖酒

謂泝秬鬯以醖酒也獻讀當為莎齊語聲之誤也秬鬯者中有煮鬱和以盎齊摩莎泝之出其香汁

因謂之汁莎不以三酒泝秬鬯者秬鬯尊也

猶明清與醖酒于舊澤之酒也

猶若也澤讀為醖舊醖之酒謂昔酒也泝醖齊以明酌泝醖酒以清酒泝汁獻以醖酒天子諸侯之禮也天子諸侯禮廢時人或聞此而不審也一若今明酌清酒與醖酒以舊醖之酒泝之矣就其所知以曉之也泝清酒以舊醖之酒者為其味厚脂毒也郊特牲

天道至教聖人至德

目下事也

廟

堂之上壘尊在阼犧尊在西廟堂之下縣鼓在西應鼓

在東

禮樂之器尊西也小鼓謂之應犧周禮作獻

君在阼夫人在房

人君尊東也天

子諸侯有左右房

大明生于東月生于西此陰陽之分夫婦之

位也

大明日也

君西酌犧象夫人東酌罍尊

象日出東方而西行也月出西

方而東行也周禮曰春祠夏禴裸用雞彛鳥彛皆有舟其朝踐用兩獻尊其再獻用兩象尊皆有罍臣之所酢

禮交動乎上樂交動乎下和之至也

言交乃和禮器

夫祭

有十倫焉見事鬼神之道焉見君臣之義焉見父子之

倫焉見貴賤之等焉見親疏之殺焉見爵賞之施焉見

夫婦之別焉見政事之均焉見長幼之序焉見上下之

際焉此之謂十倫

倫猶義也

鋪筵設同几為依神也詔祝于

室而出于祊此交神明之道也

同之言詞也祭者以其妃配亦不特几也詔祝

告事于尸也出
于祔謂索祭也

君迎牲而不迎尸別嫌也尸在廟門外

則疑于臣在廟中則全于君君在廟門外則疑于君入

廟門則全于臣全於子是故不出者明君臣之義也

迎不

尸者欲全其尊也尸神象也鬼神之尊在廟中人君之尊出廟門則伸

夫祭之道孫為王

父尸所使為尸者於祭者子行也父北面而事之所以

明子事父之道也此父子之倫也

子行猶子列也祭祖則用孫列皆取于同

姓之適孫也天子諸侯之祭朝事延尸于戶外是以有北面事尸之禮

尸飲五君洗玉爵

獻卿尸飲七以瑤爵獻大夫尸飲九以散爵獻士及羣

有司皆以齒明尊卑之等也

尸飲五謂醕尸五獻也大夫士祭三獻而獻賓

夫

祭有昭穆昭穆者所以別父子遠近長幼親疏之序而無亂也是故有事于大廟則羣昭羣穆咸在而不失其倫此之謂親疏之殺也

昭穆咸在同宗父子皆來

古者明君爵有德

而祿有功必賜爵祿于大廟示不敢專也故祭之日一

獻君降立于阼階之南南鄉所命北面史由君右執策

命之再拜稽首受書以歸而舍奠于其廟此爵賞之施

也

一獻醕尸也舍當為釋聲之誤也非時而祭曰奠

君卷冕立于阼夫人副褱

立于東房夫人薦豆執校執醴授之執鐙尸酢夫人執柄夫人受尸執足夫婦相授受不相襲處酢必易爵明夫婦之別也

校豆中央直者也執醴授醴之人授夫人以豆則執鐙豆下跗也

凡為俎

者以骨為主骨有貴賤殷人貴髀周人貴肩凡前貴于後俎者所以明祭之必有惠也是故貴者取貴骨賤者取賤骨貴者不重賤者不虛示均也惠均則政行政行則事成事成則功立功之所以立者不可不知也俎者所以明惠之必均也善為政者如此故曰見政事之均

馬殷人貴髀為其厚也周人貴肩為其顯也凡前貴于後謂脊脅臂臑之屬凡賜爵昭為一

穆為一昭與昭齒穆與穆齒凡羣有司皆以齒此之謂

長幼有序

昭穆猶特牲少牢饋食之禮眾兄弟也羣有司猶眾賓下及執事者君賜之爵謂若酬之

夫祭有舁燁胞翟闔者惠下之道也唯有德之君為能
行此明足以見之仁足以與之舁之為言與也能以其
餘舁其下者也燁者甲吏之賤者也胞者肉吏之賤者
也翟者眾吏之賤者也闔者守門之賤者也古者不使
刑人守門此四守者吏之至賤者也尸又至尊以至尊

既祭之末而不忘至賤而以其餘畀之是故明君在上

則竟內之民無凍餒者矣此之謂上下之際

明足以見之見此卑

者也仁足以與之與此卑者也煇周禮作輝謂輝磔皮革之官也翟謂教羽舞者也古者不使刑人守門謂夏

殷時祭統

祭祀之有尸也宗廟之有主也示民有事也

脩宗廟敬祀事教民追孝也

有事有所尊事也

以此坊民民猶

忘其親

坊記

尸飲三衆賓飲一示民有上下也

上下猶尊卑也

主人主婦主賓獻尸乃後主人降洗爵獻賓同上

七日戒三日齋承一人焉

以為尸過之者趨走以教敬也

戒謂散齋也承猶事也

醴酒在室

醞酒在堂澄酒在下示民不淫也

淫猶貪也澄酒清酒也三酒尚質不尚味

因其酒肉聚其宗族以教民睦也

言祭有酒肉羣昭羣穆皆至獻而酬之成

有薦俎

同上

宗廟之中以爵為位崇德也

崇高也

宗人授事

以官尊賢也

官各有能

登餼受爵以上嗣尊祖之道也

上嗣之正

統文王世子

天子有善讓德於天諸侯有善歸諸天子卿

大夫有善薦於諸侯士庶人有善本諸父母存諸長老

祿爵慶賞成諸宗廟所以示順也

薦進也成諸宗廟于宗廟命之祭統有十

倫六曰見爵賞之施焉祭統

及入舞君執干戚就舞位君為東上

冕而總干率其羣臣以樂皇尸是故天子之祭也與天下樂之諸侯之祭也與竟內樂之冕而總干率其羣臣以樂皇尸此與竟內樂之之義也

君為東上近主位也皇君也言君尸者尊

也夫祭有三重焉獻之屬莫重於裸聲莫重于升歌舞

莫重于武宿夜此周道也

武宿夜武曲名也周道猶周之禮

凡三道者

所以假于外而以增君子之志也故與志進退志輕則亦輕志重則亦重輕其志而求外之重也雖聖人弗能得也是故君子之祭也必身自盡也所以明重也道之

以禮以奉三重而薦諸皇尸此聖人之道也

祭統

夫祭

有餼餼者祭之末也不可不知也是故古之人有言曰

善終者如始餼其是已是故古之君子曰尸亦餼鬼神

之餘也惠術也可以觀政矣

術猶法也為政尚施惠盡美能知能惠詩云維此惠

君民人所瞻

是故尸謖君與卿四人餼君起大夫六人餼臣

餼君之餘也大夫起士八人餼賤餼貴之餘也士起各

執其具以出陳于堂下百官進徹之下餼上之餘也

進當

為餼聲之誤也百官謂有事于君祭者也既餼乃徹之而去所謂自卑至賤進徹或俱為餼凡餼之道

每變以衆所以別貴賤之等而興施惠之象也是故以

四簋黍見其脩于廟中也廟中者竟內之象也

鬼神之惠徧廟

中如國君之惠徧竟內也

祭者澤之大者也是故上有大澤則惠必

及下顧上先下後耳非上積重而下有凍餒之民也是

故上有大澤則民夫人待于下流知惠之必將至也由

餒見之矣故曰可以觀政矣

鬼神有祭不獨享之使人餒之恩澤之大者也國君

有蓄積不獨食之亦以施惠于竟內也

同上

子曰武王周公其達孝矣乎

夫孝者善繼人之志善述人之事者也春秋脩其祖廟

陳其宗器設其裳衣薦其時食

脩謂掃糞也宗器祭器也裳衣先祖之遺衣服

也設之當以授尸也時食四時祭也

宗廟之禮所以序昭穆也序爵所以

辨貴賤也序事所以辨賢也旅酬下為上所以逮賤也

燕毛所以序齒也

序猶齒也爵謂公卿大夫士也事謂薦羞也以辨賢者以其事別所能也

若司徒奉牛宗伯共雞牲矣文王世子曰宗廟之中以爵為位崇德也宗人授事以官尊賢也旅酬下為上者謂若特牲饋食之禮賓弟子兄弟之子各舉觶于其長也逮賤者宗廟之中以有事為榮也燕毛既祭而燕也燕以毛髮為坐祭時尊賢也至燕親親也齒亦年也踐其位行其禮奏其樂敬其所尊愛其所親事死如事生事亡如事存孝之至也

踐猶

升也其者其先祖也踐或為績

郊社之禮所以事上帝也宗廟之禮所

以祀乎其先也

社祭地神不言后土者節文

明乎郊社之禮禘嘗之

義治國其如示諸掌乎

示讀如寘諸河干之寘寘置也物而在掌中易為寘力者也序

爵辨賢尊尊親親治國之要中庸

書曰乃女其悉自學功悉盡也學

効也傳曰當其効功也於卜洛邑營成周改正朔立宗

廟序祭祀易犧牲制禮樂一統天下合和四海而致諸

侯皆莫不依紳端冕以奉祭祀者

紳大帶也

其下莫不自悉

以奉其上者莫不自悉其祭祀者此之謂也盡其天下

諸侯之志而効天下諸侯之功也廟者貌也其以貌言

之也宮室中度衣服中制犧牲中辟辟法也殺者中死割者

中理搏弁者為文

搏弁或為振非當言帛帛

黻灶者有容椽杙者有

數

杙者繫牲者也

大廟之中續乎其猶模繡也

言文章之可觀也模所椽文章

之範

天下諸侯之悉來進受命于周公而退見文武之尸

者千七百七十三諸侯

八州州二百一十國畿內九十國此周所因于殷九州諸侯

之數

皆莫不磬折玉音金聲玉色

玉音金聲言弘殺之調也

然後周公

與升歌而弦文武

與諸侯升歌文王武王之德又以琴瑟播之

侯在廟中者

伋然淵其志和其情

伋讀曰播播然變動貌

愀然若復見文武之

身然後曰嗟子乎此蓋吾先君文武之風也乎

子成王也

及

執俎抗鼎執刀執匕者負厲而歌憤于其情發于中而

樂節文

卑賤者尚然而況尊貴者乎

故周人追祖文王而宗武王也

尚書大傳

君子曰祭祀不祈

祈求也祭祀不為求福也詩云自求多福福由己耳

不

麾蚤

麾之言快也祭有時不以先之為快也齊人所善曰麾

不樂葆大

謂器幣也葆之言褒

也不善嘉事

嘉事之祭致大夫是也禮宜告見于先祖耳不善之而祭

牲不及肥大

薦不美多品

以禮之義有以小少為貴也

郊特牲而社稷大牢

天子適諸侯諸侯膳用犢諸侯適天子天子賜之禮大

牢貴誠之義也故天子牲孕弗食也祭帝弗用也

犢者誠慤

未有牝牡之情是以小為貴也孕任子也易曰婦妊不育

郊特牲

羔豚而祭百官皆

足大牢而祭不必有餘此之謂稱也

足猶得也稱稱牲之大小而為俎此

指謂助祭者耳而云百官喻衆也

禮器

君子大牢而祭謂之禮匹士大

牢而祭謂之攘

君子謂大夫以上攘盜竊也同上

已有三牲必田狩

者孝子之意以為已之所養不如天地自然之牲逸豫肥

美

尚書大傳

子期祀平王

子期楚平王之子結也平王恭王子昭父也

祭以牛

俎于王

致牛俎于昭王

王問于觀射父曰祀牲何及

王感俎肉而問牲何

所及對曰祀加于舉

加增也舉人君朔望之盛饌

天子舉以太牢祀以

會

太牢羊牛豕也會會三太牢舉四方之貢

諸侯舉以特牛祀以太牢

特一也

卿舉以少牢祀以特牛

少牢羊豕

大夫舉以特牲祀以少牢

特牲豕也

士食魚炙祀以特牲庶人食菜祀以魚上下有序

民則不慢王曰其小大何如對曰郊禘不過薦栗

薦角如栗

郊禘祭天也

烝嘗不過把握

握長不出把者

王曰何其小也對曰夫

神以精明臨民者也故求備物不求豐大

備物體具是而精潔者

以先王之祀也以一純二精

一純心純一而潔二精玉帛也

三牲四時

五色六律七事八種

七事天地民四時之務也八種八音

九祭十日十二

辰以致之

九祭九州也祭也十日甲至癸也十二辰子至亥也擇其吉日令辰

百姓千品

萬官億醜兆民經入咳數以奉之

百姓百官受氏姓也千品姓有徽品十為

千品五物之官陪屬萬為萬官官有十醜為億醜天子之田九咳以食兆民王取經入以食萬官也

明德

以昭之

昭昭孝敬也

和聲以聽之

中和之聲使神聽之

以告徧至則無

不受休

至神至也休慶也

毛以示物

物色也

血以告殺

明不因故也

接

誠拔取以獻具為齊敬也

接誠于神也拔毛取血獻其備物也齊潔也詩曰執其鸞

刀以啟其毛
取其血骨

敬不可久民力不堪故齊肅以承之

肅疾也承

奉王曰芻豢幾何

草食曰芻穀食曰豢

對曰遠不過三月近不過

浹日

遠謂三牲近謂雞鶩之屬浹日十日也

王曰祀不可以已乎

已止也

對

曰祀所以昭孝息民

昭孝養使民蕃息也

撫國家定百姓也不可

以已夫民氣縱則底

氣志氣也縱底也底著也

底則滯滯久不震

滯廢

也震懼也言無祭祀則民無所畏忌則志放縱志放縱則遂廢滯難復恐懼也

生乃不殖

生人物也殖長也不長神不降以福也

是用不從

不從上令

其生不殖不可以

封

封國也

是以古者先王日祭月享時類歲祀

以事類曰類日祭于

祖考月祭于曾高時類
于二祧歲祀于壇墠

諸侯舍日

有月享也

卿大夫舍月

有時

祭士庶人舍時

歲乃祭也

天子徧祀羣神品物

品物謂若八蜡所祭貓虎

昆蟲之類也

諸侯祀天地三辰及其土之山川

三辰日月星也祀天地謂

二王後也非二王後祭分野星山川而已

卿大夫祀其禮

禮謂五祀及祖所自出

士庶

人不過其祖

祖王父也

日月會于龍虬

龍虬龍尾也謂周十二月夏十月也日月合

辰于尾上月令日孟冬日在尾

土氣含收

含收收縮萬物含藏也

天明昌作

昌盛也作

起也謂天氣上也
是月純坤用事

百嘉備舍

嘉善也時物畢成舍入室也

群神頻行

頻並也並行
欲求食也

國于是乎烝嘗家于是乎嘗祀

烝冬祭也嘗嘗百物

也月令孟冬大飮
烝傳曰閉蟄而烝

百姓夫婦擇其令辰

辰十二辰也

奉其犧

牲敬其齋盛潔其糞除慎其采服禋其酒醴帥其子姓

禋潔也子姓同姓也

從其時享虔其宗祀

宗主祭祀祀主祝祈也

道其順辭

以昭祀其先祖肅肅濟濟如或臨之于是乎合其州鄉

朋友婚姻比爾兄弟親戚

比合會也親也

於是乎弭其百苛姁

其讒慝

弭止也苛虐也姁覆也止覆謂解怨除恨之辭

合其嘉好結其親暱

結合

也謂于此

億其上下

億安也

以申固其姓上所以教民虔

也下所以昭事上也天子禘郊之事必自射其牲

牲牛也

王后必自舂其粢

器實曰粢

諸侯宗廟之事必自射其牛割

羊繫豕

割刺也繫殺也

夫人自舂其盛

在器曰盛上言粢下言盛互其文也

況其

下之人其誰敢不戰戰兢兢以事百神天子親舂禘郊

之盛

帥后舂之

王后親繰其服

服祭服也祭義曰夫人繰三盆則王后其一盆與周語曰

王耕一墾班三之

自公以下至于庶人其誰敢不齋肅恭敬致

力於神民所以攝固者也若之何其舍之也

攝持也舍廢也國

語楚語

隨季梁曰夫民神之主也

言鬼神之情依民而行

是以聖

王先成民而後致力于神故奉牲以告曰博碩肥腍謂

民力之普存也

博廣也碩大也

謂其畜之碩大蕃滋也謂其不

疾癘蠱也謂其備腍咸有也

雖告神以博碩肥腍其實皆當兼此謂民力適完則

六畜既大而滋也皮毛無疥癬兼備而無有所闕

奉盛以告曰絜粢豐盛謂其

三時不害而民和年豐也

三時春夏秋

奉酒醴以告曰嘉栗

旨酒

嘉善也栗謹敬也

謂其上下皆有嘉德而無違心也所謂

馨香無譌慝也

馨香之遠聞

故務其三時脩其五教

父義母慈兄友

弟恭親其九族以致其禋祀

禋絜敬也九族謂外祖父外祖母从母子及妻父妻

母姑之子姊妹之子女子之子并己之同族皆外親有服而異族者也

於是乎民和而神

降之福

桓六年左氏傳

恒豆之菹水草之和氣也其醢陸產

之物也加豆陸產也其醢水物也

此謂諸侯也天子朝事之豆有昌本麋糝

菹菹麋糝饋食之豆有菹菹羸醢豚拍魚醢其餘則有雜錯云也

籩豆之薦水土之品

也不敢用常褻味而貴多品所以交于神明之義也

非食味之道也

言禮以異為敬

先王之薦可食也而不可耆也

粢芻路車可陳也而不可好也武壯而不可樂也宗廟

之威而不可安也宗廟之器可用也而不可便其利也

所以交于神明者不可以同于所安樂之義也

武萬舞也

酒

醴之美玄酒明水之尚貴五味之本也黼黻文繡之美
疏布之尚反女功之始也莞簟之安而蒲越橐鞾之尚
明之大羹不和貴其質也大圭不琢美其質也丹漆
雕幾之美素車之乘尊其樸也貴其質而已矣所以交
于神明者不可同于所安褻之甚也如是而后宜尚質
貴本
其至如是乃得交于神明之宜也明水司烜以陰鑑所
取于月之水也蒲越橐鞾藉神席也明之者神明之也
琢當為篆字之誤也
幾謂漆飾沂郛也
鼎俎奇而籩豆偶陰陽之義也牲
陽

也庶物
陰也

黃目鬱氣之上尊也黃者中也目者氣之清明

者也言酌于中而清明于外也

黃目黃彝也周所重于諸侯為上也祭天

掃地而祭焉於其質而已矣醯醢之美而煎鹽之尚貴

天產也割刀之用而鸞刀之貴貴其義也聲和而后斷

也鼎俎奇而籩豆偶陰陽之義也籩豆之實水土之

品也

水土之品言非人之常食

不敢用褻味而貴多品所以交于旦

明之義也

旦當為神篆字之誤也並郊特牲

王制曰賜圭瓚然後為

鬯未賜鬯者資于天子圭瓚秬鬯宗廟之盛禮故孝道

備而賜之秬鬯所以極著孝道孝道純備故內和外榮

玉以象德金以配情芬香條鬯以通神靈玉飾其本君子之性金飾其中君子之道君子有黃中通理之道美素之德金者精和之至也玉者美德之至也鬯者芬香之至也君子有玉璜鉅鬯者以配道德也其至矣合天下之極美以通其志也其為玉璜鉅鬯乎

白虎通

有

以小為貴者宗廟之祭貴者獻以爵賤者獻以散尊者舉觶卑者舉角此以小為貴也

凡觴一升曰爵二升曰觶三升曰解四升曰角

五升曰散
禮器

夫鼎有銘銘者自名也自名以稱揚其先

祖之美而明著之後世者也為先祖者莫不有美焉莫不有惡焉銘之義稱美而不稱惡此孝子孝孫之心也

唯賢者能之

銘謂書之刻之以識事者也自名謂稱揚其祖之德著已名于下

銘者論

譏其先祖之有德善功烈勲勞慶賞聲名列于天下而酌之祭器自成其名焉以祀其先祖者也顯揚先祖所以崇孝也身比焉順也明示後世教也

烈業也王功曰勲事功曰勞酌

之祭器言斟酌其美傳著於鍾鼎也身比焉謂自著名于下也順也自著名以稱揚先祖之德孝順之行也教也所以夫銘者壹稱而上下皆得焉耳矣是故君子之教後世

觀于銘也既美其所稱又美其所為

美其所為美此人為此銘

為之

者明足以見之仁足以與之知足以利之可謂賢矣賢

而勿伐可謂恭矣

明足以見之見其先祖之美也仁足以與之與其先祖之銘也非有仁恩

君不使與之也知足以利之利已名得比于先祖

故衛孔悝之鼎銘曰六月丁

亥公假于大廟

孔悝衛大夫也公衛莊公蒯聵也德孔悝之立已依禮褒之以靜國人自固假

至也至于大廟謂以夏之孟夏禘祭

公曰叔舅乃祖莊叔左右成公成公

乃命莊叔隨難于漢陽即宮于宗周奔走無射

公曰叔舅者公

為策書尊呼孔悝而命之也乃猶汝也莊叔悝七世之祖衛大夫孔達也隨難者謂成公為晉文公所伐出奔

楚命莊叔從焉漢楚之川也即宮于宗周後反得國坐殺弟叔武晉人執而歸之于京師寘之深室也射厭也言莊叔常奔走至勞苦而不厭倦也周既去鎬京猶名王城為宗周也

啟右獻公獻公乃

命成叔纂乃祖服

獻公衛侯衍成公曾孫也亦失國得反言莊叔之功流于後世啟右獻公使

得反國也成叔莊叔之孫成子烝鉏也右助也纂繼也服事也獻公反國命成子繼女祖莊叔之事欲其忠如孔達也乃考文叔興舊耆欲作率慶士躬恤衛國其勤公

家夙夜不解民咸曰休哉

文叔者成叔之曾孫文子圉即愷父也作起也率循也慶

善也士之言事也言文叔能興行先祖之舊德循其善事

公曰叔舅予女銘若纂乃

考服

若乃猶女也公命愷予女先祖以銘以尊顯之女繼女父之事欲其忠如文子也成公獻公莊公皆

失國得反言孔氏悝拜稽首曰對揚以辟之對遂也辟明也言遂

揚君命以明我勤大命施于烝彝鼎施猶著也言我將行君之命又刻著

于烝祭之彝鼎彝尊也此衛孔悝之鼎銘也言銘之類衆多也略

取此一古之君子論譏其先祖之美而明著之後世者

也以比其身以重其國家如此如莊公命孔悝之為也莊公孔悝雖無令德以

終其事于禮子孫之守宗廟社稷者其先祖無美而稱

是行之非之是誣也有善而弗知不明也知而弗傳不仁也此三

者君子之所恥也昔者周公旦有勲勞于天下周公既

沒成王康王追念周公之所以勲勞者而欲尊魯故賜

之以重祭外祭則郊社是也內祭則大嘗禘是也

言此者王

室所銘若周公之功

夫大嘗禘升歌清廟下而管象朱干玉戚以

舞大武八佾以舞大夏此天子之樂也康周公故以賜

魯也

清廟頌文王之詩也管象吹管而舞武象之樂也朱干赤盾戚斧也此武象之舞所執也佾猶列也

大夏禹樂文舞也執羽籥文武之舞皆八列互言之耳康褒大也易晉卦曰康侯用錫馬

子孫纂之

至於今不廢所以明周公之德而又以重其國也

不廢不廢其此

禮樂也重猶尊也祭統

傳說曰黷于祭祀時謂弗欽禮煩則亂

事神則難

祭不欲數數則黷黷則不敬事神禮煩則亂而難行高宗之祀特豐數近廟故說因以戒

之說命

子曰非其鬼而祭之諂也

非其鬼謂非其所當祭之鬼諂求媚也

為政

季路問事鬼神子曰未能事人焉能事鬼

先進

子

路曰吾聞諸夫子祭禮與其敬不足而禮有餘也不若

禮不足而敬有餘也

祭主敬檀弓



禮書綱目卷四十七